

ЎЗБЕК ХАЛҚ ИЖОДИ

КҮП ТОМЛИК



Тошкент
Faafur Fулом номидаги
Адабиёт ва санъат нашриёти
1986

БҮТАКЎЗ

Айтувчи: Усмон Маматқул ўғли.

Езиб олучи: Собиржон Иброҳимов.

Нашрга тайёрловчи: Тиловқул Ашурев.



Гўрўғли Чамбилда бек бўлиб, Чамбилнинг эгаси бўлди, ўн икки хотин олди, бола кўрмади. Охир вақт бола қадри ўтиб, ҳар бир шаҳардан ўғил олиб келиб боқиб, қирқта ўғил боқиб олди. Буларни йигит қилиб, ясов қилиб олиб юрарди. Шунда Чамбилнинг овини овлаб, Чамбилнинг эгаси бўлиб юрганда Чамбилнинг депарасида Туркман деган бир юрт бор эди. У туркман элат молдор халқ эди. Уларда иморат — бино йўқ эди, ҳаммаси ўтов тикиб ўтиришар эди. Бул туркман Гўрўғлининг ишонган хос юрти эди. Гўрўғлининг вақтида туркман кўп халқ эди, қирқ минг уйлик эди. Қирқ минг уйлик туркман элат ичидা бир номдор бой бор эди. У бойнинг отини Оқчишибой дер эди. У қирқ минг уйлик туркманнинг рўгай бойи эди. Бойнинг матоий, пули, молу амволи кўп эди, ҳар бир хотиндан ортқизган қирқ ўғли бор эди. Қирқ ўғлининг орасида бир ёлғиз қиз бор эди. Ул қизи ҳусн бобида якка-ягона эди. Уни таъриф қилмоқча тил ожиз келар эди. Ҳусн, идрок, ақл бобида доно эди. Қиз бағояти полвон эди. Лекин ул қирқ минг элат ичидা бу қизга қуввати баравар кела-диган эр йигит йўқ эди. Курашмаклика, от чопишмаклика омил эди. Бой қизини қирқ ўғлидан аъло кўрар эди. Ҳар бир сўзи бўлса, бой ўғилларига айтмай, қизига маслаҳат солар эди. У бой қизига эътиқод қилиб: «Менинг давлатим хонларнинг давлатидан кам эмас» деб, қизига яхши жойлар, арки — равоқ қилиб, чиройли қизлардан қирқ канизак қилиб берди. У қиз ота давлатида подшоларнинг қизидан бўлиб ўтирди.

Бой қизининг олдига ҳафтада бир келиб қўриб кетиб турар эди. Ҳар жума куни жума намоздан келишда: «отам жумадан қайтарда келади» деб, яхши таомлар қилиб, бойнинг қизи отасининг йўлига мунтазир турар эди. Ногоҳ бир куни жумадан келишда ул қизининг олдига кирди.

Қизи отасининг олдига яхши таомлар қилиб қўйди. Бой таомни еб олиб, фотиҳа қилиб, ўрнидан турай деб эди, қизининг юзига бир қараб қўйиб, тураверди. Қизи айтди:

— «Ота, ўтиринг!» — Бой қайтиб ўтирди.

Қизи айтди:

— Ота! Дилингизга бир сўз келди, мендан пинҳон тутиб, айтмай туриб кетаяпсиз! Бой айтди:

— Эй қизим! Дилемда бир мақсадим бор эди, сенга айтмоқчи эдим, вақтим бўлмади, ўз вақтида айтарман деб, айтмай туриб кетаётганидим. Энди сўрадинг, айтайин. Менинг дилемда орзуим шул эдики, қариб-қартайиб, куч-қувватим кетди. Сени қирқ оғаларингдан идрокингни ортиқча фаҳмларман қиз ҳам бўлсанг. Маслаҳат шулдирки, бир кам қирқ инингни суннатга ётқизиб, бошимдан соқит қилдим. Энди қўзимнинг тиригида энг кичик Юсуфжон укангни ҳам хатна қилдирив қўйсам дейман. У ҳолда қиз айтди:

— Яхши ўйлабсиз, кўзингизнинг тиригида кўрганингиз ғанимат. Тузукроқ тўй қилиб берасизми? — деди. Бой айтди: — Қўлимиздан келганча қиласиз, — деди. Қиз аиди: — Аввал ота, менга маслаҳат солманг. Агар мен бир сўз айтсан, кўнглингизга бад олманг. Уч-тўрт йилдан бери юрт ичинда тўй қилган кишилар, сизни тўйга айтган кишилар менинг ўзимни бошқалаб тўйга айтятди. Бунда мен қирқ канизагим билан тўйга бораман. Ўзим кичик бўлсан ҳам, катталардан юқори ердан жой берадилар. Эл ичida мени танимайдиган кишилар ҳам бўлар экан. Тўйга борган жойимда «кимнинг қизи, кимнинг қизи?» деб сўраб қолишади, буни эшишиб қоламан. Билгичилар Оқчишвойнинг қизи деб жавоб беради. Бунда сўроғичилар: — Ҳе, ўша хумса бойнинг қизими? — дейди. Буни қулогим эшишиб туради. Бунда ҳалқ орасида ғивир-шивир қилишиб, одамлар сўзлашар эмишки: «шул бойнинг ўғиллари тўй қилинганми, йўқми? Бунда қўни-қўшиларингиздан сўрашсалар ҳам билмаймиз» — дер эмиш. Одамлар мазмун қилармишки: «Бойни ўғилларининг каттаконлари отаси билан баробар, қариди, ҳеч юртга тўй қилиб берганини

биров билмайди. Эҳтимол, шул бойнинг ўғиллари тўй-сиз қолган бўлса...». Эндиликда битта ўғлингиз қолипти. Шунга юрт олдига дастурхон солиб, белгилаб, яхшилаб тўй қилинг, яна фарзанд кўрармидингиз! — деб, шул гапни айтди отасига.

Қизининг бу деган сўзи бойга бир ажаб таъсир қилди. Қизининг ҳақига дуо қилиб, бой ўрнидан туриб чиқиб кетди. Дарҳол ўз ўтовига борди. Юрт катталарини чақирди, туркманинг акобирлари йиғилиб келди. Бой айтди: — Эй юрт катталари! Бугундан юртга тўй деб хабар қилинг. Оқчишбой тяя-биялар сўйиб, молжондорлар сўйиб, ўн беш кун юртга сероблик билан ош, гўшт тортиб, тўй қилиб берди. То ўлиб кетганидан — эна қорнидагисигача йўқлаб насиба бергизди. Бунда бой айтди: — Эй ҳалойиқлар! Ўн беш кундан бери тўй қилиб бердим. Айтсин, кимга насиба етмай қолган бўлса, ўзгадан бергизай, — деди. Бунда ҳалойиқдан гуллувавро чиқдики, «раҳмат, бой бува! Сизнингдек сахий бой ҳеч ўтмагандир, бизнингдек хизмат қилган камбағаллар қорнимиздан ортқизиб, олдимиз бир йиллик, орқамиз уч ойлик овқатимизни ҳам уйга ташиб олдик» — деб, ҳалойиқдан миннатдорчилик овозини эшилди.

Бой туриб айтди:

— Эй туркман ҳалқим, эндиликда юртимнинг хурсандчилиги учун қирқ кун юртга томоша қилиб бераман. Эшитмадим деманглар, бойман, камбағалман дема, ватаним бор, ватаним йўқ дема! — Токи, туркман элда тирик жон бўлсанг, йироқ-яқинда ёр-биродар, кўз таниш, қавму қариндошларинг бўлса, ҳар қайсилиринг ўз мақсадларингдан чиқариб, мени номимдан хат қилиб, тўйга айта беринглар. Қимки келса, тўй ўтгунча дийдам устига — бел боғлаб хизматда бўлинглар. Тўй ўтгунча қўлларинг тутганча олиб енглар. Менга насиба тегди-тегмади деб, қўнгилхорлик қилманглар, бугундан бошлаб томоша чиқарамиз, — деди.

Бунда юрт катталари бир жойга жам бўлди. Бойни чақириб айтди: — «Тўй соҳиби сизсиз, айткичи одамингизни сиз айтиб беринг, хат қилиб жўнатайлик. Ундан кейин ишингиз бўлмай юра беринг. Ҳар ким ўзи билиб хат қилсин». Ул вақтда бой айтди: Мен тўйга кимни айтар эдим, Чамбил элида юрт эгаси Гўрўғли бизнинг тепамиздаги улуғимиздир. Шуни айтгаймиз. Ўзасини ўзларинг билиб айтаверинглар, — деди.

Дарҳол қоғоз, давот, қалам келтирди. Муншилар хат

ёзмоққа ўлтирди. Бой айтиб бериб турди: «ибтидо ким келсин, Гўрўғлихон ўзлари келсин; тўқсон тўққиз туғдори келсин, саксон саккис сардори келсин; етмиш икки жигадори келсин; эллик икки нойиб, ҳоким, амалдори келсин, ўттиз икки дарвозада турган қозиу мұфти, муҳрдори келсин; муфтию мирзо, маҳрам вазир аъзамлари келсин; ясовдор, бекзода болалари келсин; ўрдада турган оқсоч, канызак ойимлари келсин; Чамбил элда турган жондор қолмай барни келсин,— деб хатни ёзиб тирик жондор қолмай барни келсин,— деб хатни ёзиб бўлди. Ул хатни бир кишининг қўлига берди. Улуглар:— хонга идроқлик, сўзига етиқ кишидан юборингиз бу хатни,— деб ул хатни ушлаган киши: Бу туркманда ким маъқул йигит экан, шундан хатни бериб юборсан, деб турган эди. Бунда бу туркманда бир валадизинда, ўзбошимча бор эди. Ул ҳароми хатдан хабардор экан. Хат ушлаб турган кишининг қўлидан бехиёл хатни илиб кетди. Бир янги келган меҳмоннинг қантарувда турган отини миниб кетди. «Тўйга мен бориб айтиб келаман» деб, отни чопиб кета берди.

Хат ушлаган киши айтди:— Э ҳаромизода қўйгил, сендан бошқа одам борсин!— деб, ҳарчанд чақириди, ул қулоқ солмай чопиб кета берди.

Хат ушлаган киши ночор бўшашиб, улуғлар олдига кирди. Айтдики: «Мен ғофилда қолибман, ул ҳароми бола «ман бораман» деб, хатни қўлимдан олиб, бир меҳмоннинг отини миниб, кетди»— деб, жавоб берди. Улуғлар айтди:— Яхши бўлмабти. Ҳарна бўлса, хонга яхши киши бормоғи яхши эди. Бола ўзи бемаъни бола эди, чакки бўлиби, ҳай-ҳай майли, хатни яхшилаб қилганмиз. Хонга хат тегса, кифоя қиласар,— деб, улар улоқ чиқариб, томошасини қила берди.

Энди у болани — хат олиб борғични йўл бормоқда қўйинг, эндиги сўзни Гўрўғлихон таърифидан эшитинг.

Гўрўғли қирқ йигити билан олти кун бўлган эди, Ҳавдакнинг қўлига овга чиқсан эди. Иловосинларни мўл олиб, Гўрўғли Чамбил қаласига қараб кетиб бораётган эди, Чамбил қаласига бир чақирим йўл қолганда Гўрўғлининг тагидаги мингган отга кинна кириб, ёталоқ бўлиб қолди. Гўрўғли отдан тushiб, қирқ йигитлари ҳам отдан тушди. Йигитлар пиёдаланиб, ёталоқ бўлган от билан Гўрўғлини ўртага олиб тўрди. Гўрўғли совутнинг тугмадарини чиқариб, этак-бошини шимариб, отимни ўзим кинналасам яхши бўлурмикан деб, отнинг тепасида туриб эди, ногоҳ кўзи биёбонга тушди. Қарадики, гард пайдо бўлди, чанг ғубор орасидан бир йигит от

қўйиб чиқиб келди. Гўрўғли бул ким экан?— деб қараб турди.

Ул йигит чанг орасидан от қўйиб етиб келди. Келиб, қирқ йигитнинг орасидан отли ёриб ўтди. Гўрўғлининг тепасига етди. Салом-жавоб йўқ. Отдан тушди, Гўрўғлини чифаноги билан олти қадам суреб нарёққа олиб бориб қўйди.— «Эй, шаҳриёр, нарироқ туринг»,— деб ўзи бурилиб, ёталоқ бўлган отнинг бошига келди. Этагини орқасига қайириб, енгини шимарди. Гўрўғли хурсанд бўлди. Ул йигит отни жагидан қўтариб, ёнида тифи бир ярим қарич пичноғи бор эди, отни бўғизига солиб, отнинг бошини кесиб, буёққа олиб қўйди. Хонга қараб айдики:— «Бунинг жонини қийнамоқнинг маъниси нима, от топилмайдиган нарсами?»— деди. Гўрўғли ғазабланиб, олдида турган қирқ йигитларига қараб бир сўз деди:

Уттизимдан юрга бўлдим тождор,
Фазабимга душман бўлмас баробар.
Бойлавонглар¹ бул зиндани йигитлар,
Қайдан келди пичноқли қўрс энағар?

Гўё бўлмас паррандадан булбулча,
Ёмон одам яхши бўлмас ўлгунча.
Боғлаб уринглар ўрдага боргунча,
Қайдан келди, пичноқли қўрс, фарвачча?

Олти кун овладим Ҳавдак кўлини,
Кенг Чамбил дер мендай хоннинг элини,
Бойлавонглар бул зиндани қўлини,
Дорга осиб, олай отим хунини.

Бу сўзни эшитиб, ул тўйга айтгани келган айтувчи бола Гўрўғлига қараб бир сўз деди:

Бошга солса, ким кўрмайди аламни,
Туркманда муншилар битди қаламни.
Ассаломалайкум, берди саломни,
Тўйга айтгани келдим, сиздай тўрамни!

Тунинда ўлтирап осмоннинг ойи,
Тўй бошлади Оқчиш туркманинг бойи,

¹ Бойлавонглар олинглар.

Отга арзимайди одам гуноҳи,
Тўйга боринг, Султон, элимнинг шоҳи!

Эшитинг, султоним, шулдир хабарим,
Тўқсон тўққиз туғдори ҳам сардоринг.
Етмиш икки қозиу муҳрдоринг,
Уттиз икки ҳокими амалдоринг,
Эллик икки ҳокими амалдоринг,
Муфти, мирзо, маҳраму вазирларинг,
Шаҳзодаю бегзодаю болларинг,
Үрдадаги канизак ойимларинг,
Чамбил элда тирик жондор қолмасин,
Жамин бошлаб, Туркманга тўйга боринг!

Қулоқ солинг, хоним, баён қилайин,
Сизни, мени бино қилган худойим,
Хат опкелдим тўй айтгани туркманга,
Энди афв эткайсиз менинг гуноҳим.

Бу сўзни эшитиб, Гўрўғли ханда қилиб, кулиб юборди. Айди:— Э ҳаромзода! Ажалинг етмаган экан. Улди.— Э ҳаромзода! Ажалинг етмаган экан. Агар сени дирад эдим, тўй сабабли гуноҳингдан кечдим. Агар сени ўлдирсам, туркман ҳалқи сенинг гуноҳингни билмаслар. «Гўрўғли золим, айтувчига юборган кишимизни ўлдинги» деб туркманга бадном бўлурман деб, Гўрўғли рипти» деб туркманга бадном бўлурман деб, Гўрўғли отланиб, ул айтувчи болани ҳам ўзи билан бирга олиб, Чамбилга қараб жўнади.

Чамбилга етиб келиб, ўрдага тушди. Болаларини чорлаб чақирди. Ҳасанхон, Авазхон, Чақон, Соқижон саккиз ўғлини, сарафroz қилиб ясади. Буларга от тайёр қилди. Гўрўғли ўзи тўйга бормай, саккиз ўғлини айтувчига қўшиб, тўйга юбормак бўлиб, ўрда дарвозасининг ташқарисига чиқди. Болалари барчаси отланиб, отасига мунтазир қараб тўхтаб турди. Бунда Гўрўғли-хон саккиз ўғлини отга миндириб, буларнинг турган қадди-қоматига хурсанд бўлиб, болаларини тўйга юбормак учун панду насиҳат қилиб, бир сўз деди:

Қулоқ сонглар мен айлаган нидога,
Белингда чоройна, бошингда жига,
Минган отинг, кийган тўнинг муносиб,
Қоматингдан мендай отанг садага!

Эгнингда кийибсан олтиндан совут,
Тагингда арқирап аргумоқи от,

Мен айлайман, болам, сенга насиҳат,
Бу йўлларда, қўзим, бўлгин эҳтиёт!

Бой буванг тўй қилиб, берипти хатти,
Улуғим деб, хон отангни йўқлапти,
Боролмасман бугун, болам, бу тўйга
Ўзи учун отанг сизни жўнатти!

Тўйга бормоқ учун қилдинг ниятни,
Миндинг, қўзим болам, Аваз Фиротни,
Соф-саломат борсангизлар бу тўйга
Белинг боғлаб, қулдай қинглар хизматни.

Отанг хондур, сизлар орқамда нойиб,
Фуқаролар қолмасин сизни койиб,
Тўйга боргандан сўнг болларим 20,5
Отдан тушмай турмангизлар гердайиб.

Хизматга тайёр бўл, қушдай чоғ бўлиб,
Қолмасин нечанинг кўкси доғ бўлиб,
Отдан тушмай турмангизлар, болларим,
Отам йўқ деб, бош-бошингга бег бўлиб!

Тўй ўтгандан сўнгра мен ҳам борарман,
Беш-олти кун элат элда турарман,
Тайпаларинг¹ фуқаромдан сўрарман.

Бир кишидан «дод» эшитсам, болларим!
Саккизингни бошинг дорда кўрарман!
Пандият айлади отанг сўзини,
Сафарда унутма ҳақнинг ўзини.

На деган сўзимни олгин қулоққа,
Сўзни англаб, ҳақла отанг тузини!

Хон қилди болларига насиҳатди,
Беклар отга дарҳол қамчинни тортди.

Отлар суриб борар йўлда арқираб,
Каптар бўлган қарчифайдай шарқираб,
Вақти эрта-метан эди жўнади.
Чошка вақти даشتга чиқди тирқираб,

¹ Тоифа.

Узанги тепиниб, қамчи уради,
Бедов отлар чўлга қараб суради,
Бир-бирига қарамасдан қийқириб.
Қуён қувган овчидаи бўп боради.
Тушда етди Ўртабелнинг устига
Аваз Фироти тагига қуллади.

Дарҳол Ҳасанхон отни қайтариб етиб келди. Отдан тушиб Авазни тиклаб, қучоқлаб ўтириди. Ҳасанхон бошида, олти укаси қошида «нима бўлди» деб Аваздан ҳол сўраб турган экан:

Ҳасанхон дер менинг ўзимни,
Номард қўлга сарғайтмасин юзимни,
Нима бўлди, гап сўрадим бол Аваз,
Менга қараб, қўзим, очгин кўзингни?

Ҳар ҳайвон кезади саҳрою чўлни,
Булбуллар очди чаманда гулни,
Қучоғимга олиб сўрдим ҳолингни,
Кўзинг очгин, Аваз, сенга на бўлди?

Мунгимадинг нега йиқилди отинг,
Танда бўлса бергин жавоб қувватинг,
Таъначилардан тегмасин иснодинг,
Кўзинг очгин, Аваз, сенга на бўлди?

Бу сўзни эшитиб Аваз Ҳасанхонга бир сўз деди:

Энди ҳолим айтай сенга эшитгин,
Суяб турган эмчакдошим Ҳасанхон.

Беақл боқмайди ўзин ҳолига,
Бугун миндим бўз Фиротнинг белига,
Шу бугун қирқ бир кун бўлди бек Ҳасан,
Шароб бердим қирқ йигитнинг қўлига,

Тани сиҳатлар кўнгил узмас кулгидан,
Бургут қувса олмай қайтмас тулкидан,

Майхонада қирқ кун кўзим юммасдан,
Мен қолибман. мажлис ичра уйқудан.

Бол Авазхон дерлар менинг ўзимни,
Қони қочди беҳол бўлиб юзимни,

Қирқ кун бўлди ухламадим бек Ҳасан,
Маст айлаб уйқу олди кўзимни.

Бургут солған чўлда қувар тулкини.
Сизлар тўйга бориб қинглар кулкини,
Эсон-омон бориб кенглар бек Ҳасан,
Мен қилайин ушбу ерда уйқуни.

Алам қилган йиғлар ёшини чизиб,
Ўлган кетар жондан умидни узиб,
Энди мени бедор қилма Ҳасанхон,
Секин қўйгин ушбу ерда ётқизиб.

Мени деган сўзим олгин дилингга,
Ғайрат камарин боғла белингга,
Майдон ичра улоқ чопсанг, Ҳасанхон,
Эҳтимоли улоқ етса қўлингга,
Пойгасига қарамасдан туркманий,
Улоқни олиб қоча бергин йўлингга.

От қўйруғин қўйиб ёлин ўрарман,
Сен келгунча шерда¹ ухлаб турарман,
Улоқ текса обқочиб кел шу жойга,
Бойни қўйган пойгасин мен берарман.

Авазнинг бул сўзини эшитиб, Ҳасанхон Авазни ул жойга ётқизиб қўйди. Бир отни ўтарга² ташлади. Фиротни миниб, укаларини бошлаб Ҳасанхон айтувчи билан саккиз киши бўлиб Туркман қараб жўнади. Бунда Туркманинг томошасининг чиққанига уч кун бўлган эди. Вақти пешинда булар Болқон адиридан ошиб борар эди — ногоҳ томошанинг депарасида ўтирган томошачи бийларнинг кўзи Болқон адирига тушди. Ногоҳ чанг-ғубор осмонга ўрлади. Ул томошада турган бекорчи бийлар тўйхонага одам юборди. Бойни томошага айтқизиб келди. Бийлар айтди: Бой, Болқон адиридан чанг кўринди, бу келган чанг, албатта Гўрўлихон бўлғай, пешвозликка киши чиқармоқ лозимдир,— деди. Ул вақти Оқчишвой бир қанча юрт катталари билан отланиб, бир қанча йигитларни, чавандозларни ўзларига биргалаштириб, бир танани сўйиб улоқ тортишиб Ҳасанхоннинг йўлига чиқиб борди. Улуғлар Оқтеп-

¹ Шу ерда.

² Ўти жой.

надан ўтиб эрди, ул тарафда Ҳасанхон Болқон адирдан ошиб тушиб келди. Бунда бой қарадики, буларнинг орасида Гўрўғли йўқ. Бойнинг кўзи тушди, каттаси Ҳасанхон экан. Бой тўй қилганига юз чандон пушаймон қилди. Ҳасанхонни кўриб бойнинг юраги музлади, хон келмабдур, лекин Ҳасанхон ёш укалари билан келибдур, охир-оқибат тўйимнинг ҳоли на бўлар экан. Бул ўз қадрини билмаган қулвачалар охир тўйимга бир касофати тегиб кетмасин эди, деб бой тўй қилганига пушаймон қилди.

Бой қарадики, Ҳасанхон яқин келиб қолди, юртнинг улуғи учун ичор бийларга «Отдан тушинглар» деб ишорат қилди. Барча каттаю кичиклар отдан тушди, Ҳасанхоннинг йўлига бой бошлиқ пиёдаланиб бора берди. Ҳасанхон қарадики, юрт улуғлари пиёда кела-ди. Ҳасанхон укалари билан ҳаммалари отдан тушди, пиёда юриб келиб бой билан кўришди. Бой Ҳасанга қараб бир сўз деди:

Белимда бойлаган камар садофим,
Кўксимда қолмасин аламли доғим,
Қоматингга бобонг бўлсин садаға,
Хуш келибсан Ҳасанхондай чирофим.

Тўй қилиб берувдим хонимга хатти,
Хуш келибсан қоматингдан бек Ҳасан
Меҳмон қилиб хўб қилурман хизматди.

Тўй бошлади, бобонг, туркманни бойи,
Ун тўрт кунда тўлар осмонни ойи,
Хат юбориб айтқизувдим хонимни,
Келмадими хоним, элимни шоҳи?

Белга бойлаган камар ютангиз,
Совутга ярашган жемма жўтангиз,
Тўйга айтқизиб хат берувдим хонимга,
Не сабабдан келмади хон отангиз?

Худо бошга ўзга ғамни солдими,
Қазо етган паймонаси тўлдими,
Не сабабдан хон келмади тўйимга,
Хон отангиз бойдан хафа бўлдими?

Яхши-ёмонни яратган худойим,
Муҳтож этмас душманига илоҳим,

Не сабабдан хон келмади бу тўйга,
Нима эди хонга мени гуноҳим?

Бунда Ҳасанхон бойга қараб бир сўз деди:

Бошга тушса ким тортмайди аламни,
Туркманда муншилар битти хабарни,
Тўй хабарин эшилди хон отам,
Ассалому алайкум, бердим саломни!

Отам қирқда юк кўтарган нор эди,
Етмишида Гуржистонни дориди,
Отга минса белин тиклаб юролмас
Қиблагоҳим кучи кетиб қариди!

Минган билан эплаёлмайди отти(ни),
Узи келмай бизни тўйга жўнатти(ди),
Соф-саломат тўй ўтгунча бойбува,
Белин бойлаб биз қиласиз хизматни!

Совутга ярашган, бова бўйингиз,
На ишларга борар сизнинг ўйингиз,
Белни боғлаб биз қиласиз хизматни!
Алҳамдилло, обод бўлар тўйингиз!

Бул сўз билан бой Ҳасанхонга сиртида хушдиллик бериб деди:— Баракалло ўғлим, ёш келса хизмат эгасидир, қари келса иззат эгасидир. Отанг келса тўнини кийиб иззат кўриб кетар эди, келмабдир, сен ҳам хизмат қилурсан, ҳам тўйимни яхши ёбод қилурсан.. Сендан хушнуддирман,— деб бой отга миниб, замонасозлик учун Ҳасанга яхши сўзлаб, муомала қилиб, олдига тушиб жўнайверди. Ичида: «Яхши тўнимни кийиб, яхши таомларга қорнинг тўйиб, кетар вақти устимга бир касофатинг тегиб кетмасанг ҳам вақтим чоқ, хизмат қилмасанг ҳам (майли)», деб бой ичидা сўкиниб борар эди. Бой билан Гўрўғли ўртасида бир тортишган тафовут бор эди. Бойда бир яхши от бор эди, ўзи бўзахта эди, каркдан кучли, дулдулдан қўҳлик эди, қанотли қушни қувса тутар эди. Бул отга Гўрўғлихон ошиқ эди. Бойга неча марта «шу отни бизгэ берсин» деб одам юборса «дунёдан камлигим, йўқлигим йўқдир» деб бой хонга бу отни бермас эди. Бул сабабдин бой билан хон тортишиб юрар эди. Шул тўй жонибидин бой «давлатимни хонга кўрсатай» деб етти ўтов ясатган эди. «Қани хонлик зўрмикан, бойлик зўрмикан деб»

етти ўтовни чунон ясатган эди, ўтовларга шундай оро берган эдики, ҳар ўтвонинг белдамчиғи кимхобдан, кийгизи манотдан, чангқироғи биричдан, керагаси кумушдан, остонаси тиллодан, бўсағаси ёқутдан, зиннат бериб, ўтвони ўн қават болот ичига, тўққиз қат кимхоб, ўн тўққиз қават палосни ҳам ўтвога ораста қилиб солдирган эди. «Мардижаҳон келса бирига мұфтию мирза маҳрамлари билан тушар, яна бирига ойимлар тушар, бештасига беш тоифа амалдор ўз қадрига қараб тушар» деб ўтвонларни шундай барпо қилган эди. Ногоҳ бой бу beglarни бошлаб бораётган эди, «мен ҳон келар деб шундай жойларни қилдирдим, шу қадр билмас қулваччаларни туширамани? Ҳон мени писанд қилмай келмабди, бунинг болаларини далага ўтқазиб бир таъзирини берай» деб бойнинг феъли айнаб борди. Ногоҳ ўтвога яқин етиб эди, Ҳасанхоннинг укаларининг ичидә ёшроғи ҳам бор эди. Бой айтдики, магар, тўй ўтгандан кейин Гўрӯғли болаларини олдига чақириб «бой буванг қандай ерга тушириди, яхши иззат қилдими?— деб отаси сўраб қосла кўрганидан ҳам бўлмай айтиб борадигани ҳам бор экан. Магар отаси сўраб қолса мендан кўнгли озирда бўлмасин. Ҳарна бўлса улуғимнинг раъиси учун буларни ўтвога туширай» деб бой феълидан тушиб, Гўрӯғлининг етти ўғлини ёлғиз ёлғиз етти ўтвога туширди. Ҳар қайсисига ягона-ягона таомлар келтирди, дастурхон солди. Кун кеч бўлгач, еттовига биттадаң етти семиз қўйни сўйишга берди, етмиш йигитни хизматига қўйди.

Кеч бўлгандан кейин Ҳасаннинг укалари кенгаш қилди. «Ҳар қайсизиз отавош бўлиб, ўз ҳолимизга бўлмайлик. Қаттаконимиз Ҳасанхон экан, ҳаммамиз бир жойда бўлайлик»— деб Ҳасаннинг ўтвогига жам бўлди. Етти қўйни сўйиб хизмат қилган етмиш йигитлар қўй гўштларига тўйиб, ул ерда ўйнашиб кун кечирди. Ярим кеча вақти бўлди. Ҳасанхон хизмат қилган йигитларни чақириб айтди:— Эй биродарлар, тун бир вақт бўлибди, энди ҳар қайсиларинг ўз оромгоҳларингга қайtingлар, биз ҳам ухлайлик, деб хизмат қилган йигитларига жавоб берди. Ҳасанхоннинг укалари ҳам уйқуга ётди. Ҳасан ҳали булардан бир қанча кейин жойига бориб ётди. Ҳасан бошини ерга қўйиб эрди, иргиб ўрнидан турди. Дарҳол Соқини «турғил»— деб турғизди. Соқи туриб:— Нима бўлди?— деди. Ҳасан айтди:— Дарҳол Сариқ саманга (сарсаман) якка тўқим солиб, жуганлаб олиб эгарлайман, деб юрмай, тезлик билан далага

чиқ. Ер тагидан бежой отнинг довури келадир. Мана шу манглай тарафга қараб нарироққа босиб боргин. Билмасман бу от дубурини. Тўйхона, майдонхона, йироқ-яқинга тўйга айтгани борғичи болалар шуларнинг от чопган дубурими ё бўлмаса эл биздан зериккан бўлса, юрт ичиди оласи бўлиб, Гўрӯғли болалари билан тўйга ёв яроқсиз келса тута бериб Гўрӯғлининг шохини сўндиргаймиз, деган кишилар Гуржистон қизилбошидан бир жойга лашкар келтириб қўйтганмикан, шуми— кўп отнинг дубури келади. Шуни олдига бориб кўзинг билан кўриб, нима эканини билиб келгин,— деди. Соқи дарҳол Сариқ саманга якка тўқим солиб, жуганлаб миниб чиқиб кетди. Ажаб олам қоронғилик эди. Ер-кўк кўринмас эди. Соқи нарироққа юриб борди, бориб бир пуштани устига чиқиб қулоқ солиб қаради. Бир тарафдан бир шовқин, шарпа келди. Якка бир жилға ичига тушиб, яна бир адир устига чиқди. Бир чуқурлик ичидан бир ажаб шовқин-ғавғолар эшитилди. Тасур-тусур от түёғининг овози, баъдаз одамнинг ҳам шовқини, шамол гувиллаган, шамолдан ҳам баланд, кўкка стар эди бу шовқинлар. Соқи бу нима шовқин экан, деб қулоқ солиб тўхтаб турди. Бу шовқин орасида Соқининг қулоғига бир овоз келди. «Қўйма, отанг бўлса ҳам қўйма» деб улоқ чопаётган экан. Тун ярим кеча вақтида ул шовқинидан одамнинг кўплигини Соқи билди, кўринмас эди. Мана бундан беш юз киши бордир деб мўлжаллади. Орқасига қайтаверди. Қоронғида кўролмасдан Соқи қайтиб келаётганида йўлидан бир эчки, улоқ ҳайдаган бола учради. Соқи олдидан тўсди.— Эй бола, қоронғида қаёққа борасан?— деди. У бола айтди:— Томошага (улоққа) бораман,— деди.— Кундузи борсанг бўлмасмиди, қоронғида борганча?— деди Соқи. У бола айтди:— Кундузи борар эдим, менинг отам шу бойнинг улогига пулчун¹ экан, кечаси уйга бормай қолди. Энам «отанг от остида эзилиб йўқ бўлиб кетдими, ўлдими, уйга келмади, эртароқ сен бориб томошани ахтаргин, отангнинг бор-йўқ хабарини топиб менга бергин,— деб ўйда ётгани қўймади, шунинг учун эртароқ бориб, отами истай деб кетиб бораяпман»,— деди. Бунда Соқи айтди:

— Булар нимага кеҷаси улоқ чопади?

Бола айтди:— Кеча пешинда оғоналди қилган улоқ бартараф бўлмай ишқалиб кечасига қолган.

¹ Соврин берувчи.

Соқи айтди.— Сўйган улоли нима?— Ул бола айтди.— Сўйган улоли бир яшар тая,— деди. Тўртала тиззасини олиб қўйиб улоққа ташлаган. Оғоналдисининг бошига қирқ минг тилла пул, бир қул қўйган. Бунда Соқи сўради: Ул улоқчи қанчача бор?— деди. Бола айтди.— Улоқчининг ададини билиб бўлмас. Йиғинни пиёда, отли айланни олган. Бу тараф у тарафдагини одамнинг кўплигидан кўрмайди. Соқи болани «бор, боравер»— деб кетаверди. Бориб, Ҳасан акасига улоқ воқеасини баён қилди. Ҳасан айтди:— Бу хумса бой пойга кўп кетмасин деб, тая сўйиб улоқ қилибди, уни ким ўнгариб олиб чопар эди. Биз (бу) ерга тўн кийгани ё гўштга тўйгани келганимиз йўқ эди. Бизнинг ҳам мақсадимиз улоқ чопиб ўйнаб кетмоқ эди. Шу туюни сўйиб ташлаган бўлса ҳам ердан кўтариб олиб бўлмаса, от ёлига солиб бўлмаса, йиғин бузилгандан кейин улоқчиларнинг ўтирган майхоналарида сени отингнинг ёлига неча марта улоқ чиқди деб мақтанишадиган одати бор. Шунда бир оғзиға кучи етмаган нодон айтарки, кун чиқардан кун ботарга донги кетган Фиротнинг ёлига ҳам улоқ чиққан йўқ деб таъна кетар. Бунда Фиротнинг ҳам шаънига яхши бўлmas энди, тек ётиб ухлаймиз, эрта билан бойдан жавоб сўраб кетамиз. Бекларнинг улоқ кўргиси келмай кетиб қолди дер. Бу ҳам бўлса Фиротнинг обрўси бўлур деб, уйқуга ётди. Эрта билан уйқудан туришди. Бой буларни тўйхонага йўқлатди. Буларни зиёфат қилиб, тўн-сарпolarни кийдirdi. Тўн-сарпolarни кийгандан кейин Ҳасанхон бойдан жавоб сўради.— Бой бува, бизга жавоб беринг, биз кетайлик! Бой айтди.— Тўй ўтгунча турмасмисизлар, мен сизларни қадрлаб айтган эдим.— Тўйни кўрдик, ҳарна бўлса бизга жавоб беринг,— деб бойнинг сўзини қайтарди.

Бой:— Тўй ўтгунча турсанглар бўлар эди,— деди. Аммо ичиди «кета қолса экан» деб турган эди. Тўйимга бир каср бермасайди деб бойнинг булардан кўп хавфи бор эди. Шундан кейин бой буларга жавоб берди. Бойдан рухсат олиб, тўн кийгани хилотларини хуржунга солиб, отларига минишиб, тўйхонадан чиқиб, Чамбилга кетмоқчи бўлиб жўнади. Туркманинг даласига чиқиб эди, вақти шул чошка бўлди. Ногоҳ буларнинг кўзи улоқ йиғинига тушди. Ҳасан шундай тўхтаб қараса кўп оломон жам бўлибди. Бул ҳалқнинг кўплигини ҳадди худини билиб бўлмас. Ҳасан Соқига қараб айтди:— Эй Соқижон, дунё бино бўлиб биздан аввалги замонда

ҳам шундай гурунг — катта йиғин бўлмагандир. Биздан кейинги замонда ҳам бунчалик йиғин бўлмаса керак. Бул томошани кўрган ҳам армонда, кўрмаган ҳам армонда. Бу бешови хуржун-хулонни олиб— ўйл босавермонда. Бу кетаверди. Ўйларни беш уласига беруб:— Сизлар аста-секин юраверинглар, биз ҳам орқаларингдан етиб борамиз,— деб беш уласини боссан йўлига қараб Чамбилга жўнатди. Икковлон Соқи, билан Ҳасан томошага қараб борди. Томошанинг атровафина тепа, адири, адирининг қиясида — ёнбағрида ётган бекорчи пиёда бийлар бор эди. Улар оти йўқ, томошани кўролмай, бўғилиб ётган эди. У пиёда бийлар томошачи оломонга қараб дедики:— Эй оломон, ана у келаётгандар Гўрўғлининг ўғиллари, булар йиғинга кирап, улоққа қўл ураг, туюни кўтариб ололмас, от ёлига сололмас, улоқнинг бир ёғидан ушлаб судраб, кўтаролмай тушириб қўйса, бирор кишини отининг оёғи шул улоққа тегиб кетса, ўзи улоқни кўтаролмаса-да, сен бостириб, тушириб қўйдинг,— деб отининг оёғи тегиб кетган кишини қамчиға олиб, қилич билан чопиб ташлаб, тўйга каср қилар. Оломон, буларга йўл берманглар, йиғинга киргани қўйманглар, чопонингни бошингга чумканиб тупроқ сочиб, кесак отиб шовқин бераверинглар, йиғинга киролмай кетиб қолсин. Гўрўғлининг отларини тулақда ётиди деб эшитганман. Бу томошанинг дарагини эшитиб совутмай миниб келгандир. Тўсин отлар ҳуркиб йиғинга киролмайди. Оломон бийларнинг бу сўзини эшитди. Оломон чопонларини бошига чўмканиб, этагини чалпонглатиб тупроқ сочиб, кесак отиб шовқин бера берди. Отлар бул шовқиндан ҳуркиб, ҳаргиз яқин бормади. Шул ердан бошка ерга ҳам бориб уринди. Оломон бир-биридан кўриб ўшандай қила берди. Ҳасан билан Соқини йиғинга киргани қўймади. Қайси бири йиғинга айланиб борса ҳам бир-бини кўриб шундай қила берди. Йиғини айланА-айланА янА аввалги уринган жойга келди. Қарадики, янА киргани қўймайди. Кун чошқа эди, то йиғинни бир айланАиб келгандча кун қиёmdан ўтди. Ҳасан дарғазаб бўлди, отдан тушди. Соқига қараб бир сўз деди:

От белини маҳкамлагин Соқижон,
Феъли бузилди бугун гала туркманди(ни),
Мен қиларман йиғин ичра хошиди(ни),

Худо бошга солса кўрай на ишди(ни).
От айилин маҳкамлагин, Соқижон!

Феъли кетганларга бошла урушти(ни),
Бугун кўздан заҳар чашмин чизилди,
Ғусса ғамга юрак-бағрим ээилди.
Қамчи ўринига қилич ушла Соқижон!

Гала туркманларнинг феъли бузилди.
Мен қиласман доим ҳаққа нолиши(ни),
Берди отам оти анжом, қиличди(ни),
Аямагин феъли кетган туркманди(ни).

Үрдак учган кўлнинг суви лойлансин.
Нокас қўли эр йигитга бойлансин.

Сол қилични аямасдан каллага,
Умид билан Оқчишини қилган тўйи,
Одам ўлиб худойига айлансин!

Ҳасан билан Соқи қилди шиддатти(ни),
Зартанглаб минди иккови отти(ни),
Тизгин қоқиб дап беришиб отига
Босиб-босиб отга қамчинни тортди.

Қамчи ўтиб от қисиллаб кишинади,
Ерга нихтаб сувлигини тишлади.
Қамчи ўтиб ғарқирашиб бедовлар,
Оломон устига ирғиб ташлади.
Ҳасан қилди йигин ичра гайрратти(ни),
Отлиқларни ўнгарлатиб ов отди,
Пиёдан паймол қилиб тепсатди,
Айни тушда кирган эди йигинга,
Пешин вақти улоқ устига етди.
Ҳасан шиддат билан ўзин чоқлади,
Ечиб олди якка тизгин қайиши(ни),
Энгашди, улоқ белидан боғлади,
Ўзин тиклаб хўп эгарга жойлади,
Кўп йиғлади яратганга ялбориб,
Хўб кўтарди ул улоқни зўр бериб,
Ҳасан боқиб йиғлар эди ҳолига,
Ололмади Фиротининг ёнига,
Умрида қилмаган эди бул ишди(ни)
Бора-бора Ҳасан бели бўшацди,
Қайта бошдан қилди қаҳри шиддатти(ни),
Елиға қамчини силкиди отди,

Қўтаролмай ул улоқни судратди,
Шамолга сурилган қора булутдай,
Оломонни гуруллатиб чуватди,
Менга бўлди қиёмат охир замон,
Бўлгаймикан тангрим менга меҳрибон.
Уч юз олтмиш тўрт томирим чўзилди,
Қайда қолдинг, кел жувонмарг, Соқижон?
Ҳасаннинг товшидаи топди хабарни,
Саманин теззатиб Соқижон борди,
Ҳасанхон улоқни кўтариб зўр берди.
Отдан тушиб Соқи тагидан кўтарди,
Икковлашиб Фир ёлига ўнгарди,
Ёппа қилди ёлиға ўл Фиротди(ни),
Кета бер,— деб Соқибекни жўнатди,
Улоқлар олдига бориб бек Ҳасан
Жавлон қилиб Фиротини ўйнатди.
Ҳасанхоннинг гулдай юзи ёлбориб,
Бир нечалар қувар эди саргайиб,
Улуғлар олдига бориб Ҳасанхон
От ўйнатди ул улоқни ўнгариб,
Отнинг чангни қуюндай бўп тизлади,
Қўпиклаган отнинг тери музлади,
Қулон минганд туркман элни ушла деб,
Улоқни олиб дала йўлни кўзлади.

Бунда туркманинг тепа-тепада ўтирган бекорчи бийлари шовқин берар эди:— Эй, чавандозлар, бир кишига қараб турамисизлар, ушланглар, улоқ кетди,— деди. Чавандозлар айтди:— Бекорга томоша кўргани белларинг толадими? Тўйхонага бориб Ҳасан пойгасини олиб қайтиб келар,— деди.

Қараб турдики, бизнинг отимизнинг олдига тўрт кун, баъзисига икки кун бўлибди. Сув, ўт ҳеч нима сб-ичмаган-да, деб туриб эрдик, Ҳасан улоқни ўнгариб тўйхонага кирмай Оқтепадан ўтиб, Болқон адирига қараб кетди. Шул бекорчи бийлар шовқин берди.— Ана чавандозлар, улоқ кетди, Ҳасан улоқни олиб кетди,— деб бийлар чавандозларга танқид берди. Ул оломоннинг сўзига чидай олмай, чавандозлар Ҳасанин қувмоқчи бўлди. Отаси ўлган, мол-дунё кўп қолгаи бойларининг болалари қаерда номи чиқсан отларни хиллаб чиқди. Ҳасанин мен тутиб келаман,— деб бировидан беш танга қарздор бўлмаган, бировга беш танга қарзлик қилмаган, қарзни, олди-бердини билмаган, ҳавас қилиб юз тиллодан қарз кўтариб, янги от олиб минганд,

Рустамча бордир қадди-қоматинг,
Эр йигитсан, хотинча йўқ уяting,
Бириң қолмай баринг ўлгин қирилиб,
Ҳасанхонча бўлмаса ориятинг! 20,5

Туркман элида каркиллашиб юрганлар,
Одамман деб ўзига зеб берганлар,
Бириң қолмай баринг ўлгин қирилиб,
Улоғинг йўқ, мени келиб кўрганлар!

Тинмай оқар бўлди, Бўтаг кўз ёши,
Ғамда қолди мендек Бўтанинг боши,
Олиб келгин акам жома-тўнини,
Ахтабўзни келтир Миро қўрбоши!

Зар кокилим зардан тараб ўрайин...
Оти шундай келтир мёнга, мирохўр
Ҳасанхонни ўзим қувиб борайин,—

деб мирохўрдан от, тўнни талаб қилди. Хидир Миро қўрбоши акасининг жомалари билан отни тайёр қилди. Бўтакўз нўғай этикни оёғига кийди, уч қават жомаи хилатни устига кийди, тўққиз тўғали камар(ни) белига ҳамойил қилди, қилични ёнига осди, кокилини тахлаб симсори телпакнинг тагига босди. Сумбати шамойилини эр йигитдек қилиб, Ахтабўзни устига миниб, Ҳасанинг изидан тушиб кетди. Болқон адиридан ўтди, Болқон жилғасой ичига тушди. Ул вақти Ҳасанхон Соқижонга, беш укасига етиб, еттовлон Болқонсой ичидан улоқни ўнгариб, аста юриб кетаётган эди. Бойнинг қизи Бўтакўз Ахтабўзни тосқоҳлатиб, Болқонсой ичидан борарди. Ахтабўзни туёғининг тошга теккан овози бир порсо ўйлдан Ҳасанинг қулоғига етди. Ҳасан орқасига (қараб) ҳар жойга назорат қилиб қарап эди. Йўл ораси узоқлик қилиб англамас эди, ёнидаги укаси Соқига қараб Ҳасан бир сўз деди:

Ўйлаб турсам омонатдир танда жон,
Ким ўтмаган бу дунёда беармон,
Орқаликдан от дувури келадир,
Орқангга қайрилиб қара, Соқижон!

От думини тўйиб, ёлин тарагин,
Ҳам сафарим, хизматимга ярагин,
Орқамиздан от шарпаси келади
Болқоннинг йўлига боқиб қарагин!

Мардинг фош бўлмасин номардѓа сири,
Мендан, ука, аёз кўзингнинг нури,
Болқоннинг белига боқиб қарагин,
Орқамиздан келар отнинг дувири!

Бул сўзни Соқи Ҳасандин эшишиб, орқасига қараб хўп назорат қилиб кўрди. Шунда Ҳасанга қараб бир сўз деди:

Ўйлаб турсам омонатдир танда жон,
Жумла жонга фони дунё бепоён,
Ташлагин олдингда ортган улоқни,
Сенга инъом бўлмас түя бек Ҳасан.

Қатта бўлсанг яхши йўлга бошлагин,
Ҳамсафарларингнинг қўнглини хушлагин,
Ташлаб кетгин ҳаром ўлган улоқни.
Жигар-бағрим тешар баҳилнинг кўзи,
Банди бўлганини узар ғанимнинг сўзи,
Ташлаб кетгин ҳаром ўлган улоқни,
Келаётган Оқчиш(нинг) Ахтабўзи.

Душманни кўрсам суягим қақшайди,
Ғанимни ўйлаб банди-бўғиним бўшайди,

От устинда келаётган муштипар,
Мен танисам — қиз болага ўхшайди.
Қаҳр айласа қиров золим муртида,
Қочоқбек атандик туркман юртида,
Бўштаб-бўштаб қамчи солар буралиб
Бир қиз бола Ахтабўзни сиртида.

От чопарга қойим чўлнинг даласи,
Чамандек очилар гулнинг лоласи,
От устинда келаётир муштипар,
Оқчишвойнинг Бўтакўздай боласи.

Ўйлаб кўрсам омонатдир танда жон,
Кимки ўлса қиёмат охир замон,
Бул сўзимга қулоқ солгин, бек Ҳасан,
Бой қизин айлайн мен сенга баён.

Тагида минган оти бўз тарлон,
Мен сенга билдирай энди Соқижон,
Уч йил ҳаммактаб бўлиб синаганман,
Ўзи полвон бебошдур, оғзи ёмон.

Бошинг кесиб зомин бўлмас қонингга,
Сени ўлдириб жабр солмас жонингга,
Эр йигитга иснод ўлимдан ёмон,
Оғзи бебош тантирайди шаънингга.
Тантираса, Ҳасан, обрўйинг кетар.

Соқи бу сўзни Ҳасанга бир-бир айтиб бўлгунча, бу
сўзни эшитиб Ҳасан аччиғланди. Баъдаз Ҳасан Соқига
қараб бир сўз деди:

Соқи сўзлаб билармисан ҳолингни,
Урганчи дилхирож дейди элингни,
Бир нокас бойласин икки қўлингни,
Номус қилмай қандай менга гапирдинг.
Кесиб оламан, жувонмарг, тилингни!

Давлатимда эл ичинда эркасан,
Ўз тенгингга қўй бошлаган серкасан,
Номус қилмай бунча менга мақтадинг,
Қиз боладан ўлгир бунча қўрқасан?

Улоқ олиб келдим туркман элидан,
Қиз йўлиқса қучмоқ керак белидан,
Уялмасдан бунча менга мақтадинг,
Немиш келар ул бир қизнинг қўлидан?

Ошиқнинг кўнгли мошиққа фармонма,
Ошиқ ўлмай кўнгли бўлмас бегона,
Менга етолмай юрган бойнинг қизи,
Улоқ бўпти бой қизига баҳона.

Келса бирга борар аканг жойига,
Танасини бағишлиар Ҳасан бўйига,
Бўтакўзни олиб бориб Чамбилга,
Улоқни соларман никоҳ тўйига.

Бойнинг қизи довуши еткудай жойга етиб келиб қолди.
Шул ҳолда Ҳасан билан Соқининг ўртасида сўзланаёт-
ган сўз тамом бўлди. Ногоҳ бойнинг қизи Ҳасаннинг
орқасидан етиб келиб бир сўз айтиб турган ери:

...Дол бўйингга мен бўлайин садафа,
Юртимнинг эгаси, бегим туравор!

Эр боласи қилмас нокас ўйини,
Сизга Бўта бағишиласин бўйини,

Отам қариганда ҳавас қилувди,
Бузиб кетманг отам қилган тўйини!

Дўст аямас эр кишидан бошини,
Ошиқлар тўқади кўзин ёшини,
Ташлаб кетгин олдингдаги улоқни.
Ҳасан бегим, қилманг нокас ишини...
Юрт эгаси Ҳасан эшит арзимни,
Ўнгарган улоқни сендан тилайин!

Ишқингда сарғайтма гулдай юзимни,
Ёшлатмагин ҳасратингдан кўзимни,
Ташлаб кетгин олдингдаги улоқни,
Пойгангга ўлжа қил, олгин ўзимни!

Үрдак қўниб булоқ суви лойлансин,
Майдон ичра эр йигитлар шайланси,
Ташлаб кетгин олдингдаги улоқни,
Дол бўйингдан мендай Бўта, айланси!

Қазо битган ажал шаробин ютар,
Беақллар кўрган кунин унтар,
Ташлаб кетгин олдингдаги улоқни,
Ҳали замон Ҳасанхон Бўта кетар.

Ҳасан қулоқ солмай бораверди. Бўтакўз яқинроқ етди,
Ҳасанга тагин бир сўз деди:

От чопарга қойим туркман даласи,
Чаман гулдек қизил юзим лоласи,
Ташлаб кетгин обрўйингнинг борида,
Туркистонда Холдор (бекнинг) боласи!

Сен бўлибсан гала туркманинг зўри,
Орқаңдан эргашди Бўтакўз чўри,
Ташлаб кетгин олдингдаги улоқни,
Чамбил элда қирқта боқманинг бири!

Сувгя ташна бўлди Чамбилнинг чўли,
Ташналиқдин ўлар чўлнинг булбули,
Ташлаб кетгин олдингдаги улоқни,
Гўрўғлининг боқма, сақланди ули!

Бул сўзга Ҳасан бовар қилмай боради. Бўтакўз якка
тизгин қайишни ечиб тўрт қаватлаб олди. Улоқни ёппа
қилган от бўйнига билагини ўтказиб улоқнинг белига
қайишни чатди, эгар қошидин ошириб узангига боғ-

лади. Ҳасан билан андак бирга юрди. Ҳасан Соқига қараб бир кулди. Бунга Бўтанинг кўзи тушиб рашки келди. От бошини тортиб орқага қараб буради. Ҳасанни оти билан бир даб бериб, ағнатиб кетди. Улоқни судраб, обенинг учи билан итариб от ёлига ўнгариб олди. Ҳасан туриб ул қизнинг ҳолига улоқни тушириб қўйса деб қараб турар эди. Кўрдик, қиз от ёлига ўнгариб олиб кетди. Ҳасан қизни бу ҳолда кўриб, таҳсин қилди. Соқига боқиб айтди:

— Эй Соқи, ҳарна деганингча бор экан. Бу қиздан ҳазар қиммоқ керак. Иккимиз зўрға отга солган улоқни ўзи танҳо от ёлига солиб олди. Соқи айтди:— Эндиғи сўзни фойдаси йўқдир, Авазнинг ухлаган жойига келибдирмиз. Авазни уйғотай,— деб Соқи бориб Авазни уйғотди.— Турғил, ана улоқни Ҳасан олиб келиб эрди, бойнинг қизи Бўтакўз орқасидан етиб келиб, Ҳасанни йиқитиб, улоқни олиб кетиб боради,— деди. Аваз ўрнидан туриб дарҳол Фиротни устига ўзини олди. Етиб бориб улоқнинг бир тарафидан Аваз ҳам босди. Қиз — иккаласи улоқни тортишиб, тепани бир айланиси келди. Ногоҳ Авазнинг отини мункийтиб йиқитиб кетди. Аваз ўрнидан туриб, отга миниб яна ушлади. Бориб икковлон улоқни тортишиб кашан-кашан қилиб судрашар эди. Авазни яна оти билан юмалатиб кетди. Аваз уч марта ба улоққа осилди, уч марта ба довур оти билан йиқитиб кета берди. Авазнинг отга мингани мажоли қолмади. Аваз дармонда бўлиб отга минмай, телпагини қўлига олиб, тизгинни билакка солиб, бетининг терланган терини артиб, отини етаклаб, орқасига қараб қайта-верди. Бойнинг қизи Бўтакўз бир бўйинча бориб эди, орқасига бир қайрилиб қаради. Қўзи Авазнинг ҳусни — бобига тушди. Авазни ялангбош кўрди. Бошида иккизулфи зағрафшон кокили камарига тушар эди. Бўтакўзжон аста дилида «оҳ» тортиб от устидан бир одим ирғиб тушди, афсус қилдики ҳар иш қилдим жонимга жафо қилдим, Аваздек зот оламда одамдан туғилиб бинога келмас. Мени отам бой бўлган билан Авазнинг қўланкасига муҳтоҷ кишига бергай. Ҳар ким Авазнинг соясида ётиб жон берса қатра армони қолмагай. Бориб ўзимни бир тасаддуқ қилиб, бир узр айтай, шояд гуноҳимдан кечса, сўзимга ширин-яхши жавоб берса, Авазхонга ваъда қиласай. Бул ҳам Ҳасанхонга ўҳшаб гардонғавслик¹ қилиб сўзимга яхши муомала қилмаса,

бунинг ҳам таг-туби эсидан чиқиб қолган бўлса, эсиға солиб кетай, деб орқасига бурилиб, тагида от олдида ўнгарган улоқ билан келиб Авазнинг олдидан тўси. Бўтакўз отли, Авазхон от етаклаган пиёда эди. Авазга қараб Бўтакўз бир сўз деди:

Ким ўтмагай бу дунёдан беармон,
Фидо бўлсин, хоним, сизга танда жон,
Энди арзим айтай, тўхтанг, бол Аваз,
Ўзим сизга ҳадядир, бегижон.
Арз айладим, қулоқ солинг бол Аваз,
Шу сафарча кечинг менинг гуноҳим.

Тополмадим ишқингда иложимни,
Чулғаб ётсам бўйнингизга сочимни,
Шу сафарча кечинг қилган гуноҳим,
Азмойиш¹ айладим сизга кучимни.

Қўлда май берсам асалдек ичарсиз,
Тақдир этган куни белдан қучарсиз,
Кучим синамоққа сизни йиқитдим,
Шу сафарча гуноҳимни кечарсиз.

Мининг, бол Аваз, Фирнинг белига,
Менинг билан боринг туркман элига,
Маррага яқин етиб борганда,
Улоқни оширай отнинг ёлига.

Уйга қараб кетар мендек паризод,
Пақкага об бориб ташланг Аваз мард,
Сизни, мени кўрар жумла жамоат,
Иккимизга тенг бўлади орият.

Ётиб қолинг, отам қилар зиёфат,
Саҳар вақти Оқтепага муҳлат.
Менга асал беринг майдек ичарман,
Бой отамни давлатидан кечарман,
Саҳар вақти келсангиз Оқтепага,
Сизнинг билан Чамбил элга қочарман.

Аваз Бўтакўзнинг сўзин хушлади,
Отни миниб улоқни босиб ушлади,
Улоқ тортиб туркманга йўл бошлади,

¹ Синамоқ.

¹ Бўйинйўғонлик.

Томошага яқин етиб борганда
Фир ёлига ул улоқни ташлади.

Бўтакўз ошириб уйига кетди,
Улоқ олиб Аваз майдонга етди,
Халойиқлар шовқин бериб кўз тутди,
Майдон ичра етиб бориб бол Аваз,
Улоқ ёппа қилиб отни ўйнатди.

Майдон ичра бўз Фироти кишинади,
Ерга нихтаб от сувлиғин тишлиди,
Жавлон қилиб хўб ўйнатиб бол Аваз,
Улуғлар олдига бориб ташлади.

Шул вақти Аваз отдан тушиб катталарга таъзим қилди. Халойиқдан шовқин чиқди:— Кетган улоқни қайтариб келган бойнинг қизига ҳам раҳмат, улоқни паккага ташлаган Авазнинг ўзига ҳам раҳмат,— деб паккага ташлаган Авазнинг ўзига ҳам раҳмат,— деб халойиқларнинг шовқинини эшишиб, Аваз инсоф қилди.— Қизнинг айтган гали рост келди, обрў икковимизди.— Қизнинг айтган гали рост келди. Бу ҳолда Аваҳоннинг олдига ҳам бўлди,— деди. Бу ҳолда Аваҳоннинг олдига үйгин ичидаги қўйиган қирқ минг тилла пул, битта қул шул улоқни пойгаси деб Аваҳага пешкаш қилди. Аваҳон ул пойгани олмай, бойга узр айтди.— Ҳо бой бува, мен тўйга келганим йўқ эди, Ҳавдак кўлида ов қилиб юрган эдим, биродарларим тўйга келган эди. Ов қилиб юрган жойимда Ҳасанхон бул улоқни ўнгариб борди. Мен сўрадим:— Тўй тарқадими? Ҳасан айтди:— Тўй тарқаган йўқ, бул улоқни олиб қочиб келдик,— деди. Мен айтдим:— Яхши қилмабсан, ҷароки ҳурматлик тўйни бу тариқа қилиш хўб эмас. Ҳали ҳам бўлса улоқтўйни бу тариқа қилиш хўб эмас. Ҳали ҳам бўлса улоқтўйни бу тариқа қилиш хўб эмас. Ҳали ҳам бўлса улоқтўйни бу тариқа қилиш хўб эмас. Ҳали ҳам бўлса улоқтўйни бу тариқа қилиш хўб эмас. Они қайтиб олиб борғил,— дедим. Ҳасан айтди:— Ори қамдан бир неча отлиқлар қувиб етолмай қолган эдилар, энди боргани номус қиларман,— деб унамади. Бўлмаса мен олиб борай, от қувишмни Ҳасанг бердим. Бул улоқни отга миниб ўзим олиб келдим. Бул сабабдан сиздан уятлидирман. Улоқни олиб келмоқчи бўлиб тўйга қуруқ келиб қолдим. Агар тўйга ўзимча келганимда бир нима туҳфа билан келар эдим. Энди омон бўлсак бир-биримизда қолишмас. Озимни кўпга кўриб олғайсиз, тўйга қўшганим деб бойнинг берган пойгасини ўзига тутди. Барча халойиқнинг кўзи буларда эди. Ҳамма халойиқлар Авазнинг идрокига раҳмат деб, улуғлар қўл очиб Авазнинг умр ҳақига дуюни килид. Аваҳ бошини ерга қўйиб қуллуқ қилди. Ичидаги

«қизингизнинг қалини шу» деб қўйди. Баъдаз Авазни олиб бориб бир ўтовга туширди. Беш-ён йигит (билин) бир қўйни сўйишига берди. Ул йигитлар билан бу қўйни сўйиб шул куни шу ерда қун кечирди. Тун ярим кечадан ўтди, Авазхон хизмат қилган йигитларга рухсат берди.— Эй, йигитлар, энди оромгоҳларийнга қайтинглар, биз ҳам бир оз ухлайлик. Хизмат қилган йигитлар тарқаб кетди. Авазхон отни эгарлаб, от устига миниб чиқиб жўнади. Эрта саҳар вақти бор эди, далага — Оқтепага етиб келди. Бойнинг қизи Бўтакўз Ахтабўз отни миниб, Аваҳдан илгари Оқтепа устига келиб турган экан. Аваҳ кўрдик, қиз либосини кийиб келиб турибди. Авазхон от билан қизни олиб Чамбилга жўнамоқчи бўлди. Яна Аваҳ ўйладики, бул қиз билан отни олиб кетсан от ўғриси бўлурман. Эр йигитга от ўғриси ланқаси¹ ёмондир. Чораки² ошиқлик кўйида қиз олиб қочмоқликтининг айби йўқдир. Ҳарна бўлса отни қўяй, қизни олиб кетай,— деб эгар қошига тизгинни ўраб, от соврига солди қамчини санаб, бойнинг оти уйига кетди қараб. Бўтакўзни билагидан ушлаб, Фиротнинг соврисига ташлаб Чамбилга қараб олиб жўнади. Зих³ саҳар вақтида Чамбилнинг қаласига етиб келди. Тонг отган вақтда шаҳар ичига келиб ўз хона — ўрдасига тушди. Бул қизни ҳовлисига қўйиб кўчага чиқиб бир мачитдан бир чала муллани топиб олиб келиб, қизни никоҳ қилиб, устига бир паранжига тўнни ёпиб домлани жўнади, қизни олиб ёта берди. Энди қизни тўркман элидан, тўйхонадан эшигини.

Шундай катта йифинда эрта билан ҳеч ерда бир киши ётганини кўрмайсиз. Унда ё уч киши, ё икки киши, бурчак-бурчак, муюш-муюшда шивир-шивир бўлиб ётибди. Нима дерсан, Аваҳон келиб ётган экан, кечаси бойнинг қизини олиб қочиб кетган экан — деб тўй бузилиб, Авазнинг кенгашига туркман ҳалқи жам бўлдилар. Бир кўкалама майдонга жой қилишди, туркманнинг мен деган сўзмалоқ акобирлари ҳалиги кўкалам майдонга жам бўлишди. Бул ерда улар айтдики, бу нима ҳолдир, шу ҳам хорликми, шу ҳам зўрликми...

Бул туркман Гўрўғлига арзга борамиз, ё Аваҳ турсин, ё туркман эл турсин. Бориб арз қиласизки, агар сизга туркман эли керак бўлса Аваҳни бойлаб беринг,

¹ Таъна, доғ.

² Чунки.

³ Айни.

биз Авазни олиб бориб дорга осиб ўлдирамиз, тўй ўт-
гунча тагида улоқ тортамиз. Агар сизга Аваз керак
бўлса туркман элидан кечинг, яроқ-жабдуқ ростлаб
сиз билан жанг қиласиз, ё қирқ минг уйлик туркман
сизнинг қўлингизда ўласиз, ё сизни ўлдириб ҳукуматни
оласиз,— деб хонга шу арзни қиласиз. Ё Гўрўғлихон
Аваздан кечар, ё туркман элидан кечар,— деб шу кен-
гашни қилиб, арза битмакка мўқойид бўлди. Муншилар
қоғоз, довод¹ келтириб ариза битди. Гўрўлига арз
қиммоқ учун туркманинг мен деган кўкраклик бийла-
ридан уч юз киши аризага тушди. Шул тариқада уч-
кечою кундуз йиғин бўлди. Вақти саҳар бўлиб эрди.
Булар фотиҳа ўқиб эртаматан жўнармиз деб тарқамоқ
чи бўлди. Ногоҳ булар фотиҳа ўқимоқчи бўлиб турган
эди, бир ёшдан чиққан етимча оқсоқол буларнинг ўтра-
сига кириб келди. Барча улуғларни кўзи шунда бўлди.
Ул келган ёш айтдики:— Эй улуғлар, мен бир сўз топиб
келдим, агар айб қилмасанглар сўзласам,— деди. Улуғ-
лар айтдики:— Эй ёш бола, бул йиғин шундай йиғин-
дирки, қирқ минг уйлик туркман Гўрўғлининг тифини
остига бошини тақдим қилиб турган йиғин. Ҳар ким
бул йиғинда каттаман-кичикман демай, топган фикрини
ўртага солиб сўзласин, қайси бир сўз маъқул бўлса
шунга қараб иш қилғаймиз,— деди. Ул етимча оқсо-
қол айтдики:— Мен сизларнинг фикрларингни билай,
баъдаз мен сизларга сўзимни баён қиласи. Сизларнинг
фикрларинг Гўрўғлихонга арз қилиб қизни айириб
келмоқдами ёки Авазни ўлдиromoқдами?— деди. Ул
вақти улуғлар айтди:— Қизни айириб келган билан
абадулабад туркманинг бошидан ҳеч ланқа кетмайди.
Бир замонида Гўрўғлининг бир қули билан туркман-
нинг бир қизи қочиб кетган деган таъна ҳаргиз турк-
манинг бошидан кетмайди, токи Авазни олиб келиб
ўлдирмасак, туркманинг орияти кетмайди,— деди. Ул
етимча оқсоқол айтди:— Бундай бўлса, мақсад Авазни
тутиб келмоқда бўлса, сизлар уч юз киши хонга арзга
борманглар, мана менинг топиб келган фикрим: иккى
йигитни Авазнинг олдига юборинглар, «қизни бергил»
деб борсин. Магарчи ёмонлик билан олиб кетган Аваз
ул борган кишига яхшилик билан «мана қизларинг» деб
бериб юбормайди, ул борган кишига ҳам бир заҳмат
беради. Бундан кейин бермаса, хонга кўпчилик кириб
беради. Агар уч юз (киши) хоннинг ол-
арз қилинглар,— деди. Агар уч юз (киши) хоннинг ол-

дига кириб:— Аваз ўғлингиз бизнинг бойимизнинг
қизини олиб қочиб кетди,— деб айтсаларинг, унда хон
айтар:— Эй бачағар, чакки қилибди. Бир кишини хон
Авазга юборса, бергин қизини деса, отасининг сўзи учун
бериб юборса, қўлларингга «мана қизларинг» деб
олиб келиб тутқазиб қўяди. Қизларинг қўлларингга
теккандан кейин бошқа гап ҳожат эмас. Авазхонни ҳеч
нима қилолмайсизлар. Икки киши борган вақтда Гўр-
ўғлихон «бор, фалончи қизни берсин» деб киши юборар
бўлса айтасизларки, эй шаҳриёр, сизнинг юзингизга оёқ
қўйиб келмайлик, қизни берсин деб Авазхонга киши
юборган эдик, одамимизга ҳам Аваз шундай зарар
етказибди — деб, қизнинг гуноҳидан бошқа яна бир
гуноҳни Авазнинг устидан хонга кўрсатасизлар. Шунда
Гўрўғлихон Авазнинг бир гуноҳини кечса ҳам, иккинчи
қилган гуноҳини кечолмас. Ана унда Гўрўғли шояд
ғазаб қилиб, сизларга Авазни тутиб берса,— деди. Бул
ёш етимча оқсоқолнинг сўзи ул уч юз аризачиларга
маъқул келди. Иккита почант¹ йигитни топди. От,
яроқ-ассобларни ростлаб берди. Сизлар ҳозирги вақт-
дан Чамбилга жўнанглар, биз ҳам эртаматан уч юз
киши жўнаймиз. Сизлар икки киши бориб Авазга
учранглар, «қизни бергил» денглар. Агар қизни Аваз
яхшиликча берса олиб қайтаверинглар, бизнинг йўли-
миздан учрасанглар, биз ҳам бир сафарга хоннинг
раъи учун қайтгаймиз. Агар Аваз қизни сизларга бер-
маса сиртқи қала дарвазасидан бизга қараб туринглар,
бизнинг билан бирга арзга киринглар,— деб икки ки-
шини отлантириб, Чамбилга саҳар вақти жўнатди,
эртаматан бизлар ҳам жўнармиз, деб уч юз аризачилар
ҳам тарқаб уй-уйига кетди. Ул икки йигит саҳар вақти
от қўйганича Чамбил чўлида қистаб йўл босди, вақти
пешинда Чамбильнинг сиртқи қаласига етиб келди.
Дарвозалар очиқ эди. Бу иккалasi шаҳарга қараб қа-
дам қўйди, шаҳар раста бозорларидан ўтиб, шаҳар
ичида тим тагида кетиб борар эди, ногоҳ ул икки йи-
гитнинг ёнбошидан бир дарчадан бир қиз чиқди. Ул
туркманлик йигитлар бул қизга қаради. Ул қиз ми-
соли бели қилдай, товони пулдай, юзи қизил гулдай,
оҳиста-оҳиста юриб, ковушнинг саҳат наҳали жанғил-
лаб овоз бериб, кокили товонига уриб, рўмолни бетига
пана қилиб ярмини кўрсатиб кулиб, кўчани қирғоқлаб
ўтиб бораверди. Ул йигитларнинг икки қўзи шул қизда

¹ Ҷаққон.

бўлди. Қизнинг қуралайдай кўзига, гулдак юзига, ширишакар сўзига интизор бўлиб тўхтаб туриб қолди. Туркмандан борган икки йигит бир-бирига маслаҳат қилди. «От-анжом қилиб ҳар диёр — мамлакатга бордик, кўп бир жойларни кўрдик, қайси иқлимда шундай нозик қизни кўрдик? Шу қизнинг ҳусни жамолига қанозик қизни кўрдик?

Доим қушни тоблаб солар миришкор,
Сайиснинг қўлига қўнади шунқор,

Дол бўйингга жоним бўлсин садаға,
Шунқорсифат, эй муштипар, туравор.
Мен айтайнин сенга ҳарна сўзимни,
Қоматингдан, эй муштипар, туравор.

Ўйлаб кўрсанг фони дунё омонат,
Қазо етган қулга даври қиёмат,
Отанг сайид, энанг қандай паризод,
Сен шекилли сулув туғмас одамзод.

Қўзларинг юлдуздек, ойдек қошинг,
Қандоқ тангрим севган қулдир йўлдошинг.
Мен сўрайман филмонсифат паризод,
Ака-уқанг борми, айт, эмчақдошинг?

Содиқий юлдузча кўрдим кўзингни,
Хуршитобон кунча кўрдим кўзингни,
Армон қолмас бир эшитсан сўзингни,
Одаммисан, паримисан, муштипар,
Наслинг кимдир, айтгин менга, ўзингни?

Бул йигитнинг сўзини эшитиб, қиз бир қулочча ўтиб рўмолини пана қилиб тўхтаб туриб қолди. Қиз йигитларга қараб бир сўз деди:

Умид билан сиздай беклар сўз қотди,
Жавоб. бермай кетсам менга уятдир.

Узин билган банда ақли сойибди(р),
Номаҳрам, сўзласам наслим заипди(р),
Индамасдан кетсам изо бўларсиз,
Жавоб бермай кетсам менга айбди(р).

...Қулоқ сонглар отда турган оғалар,
Аввал баён қилай түккан энамни.

Қулоқ солинг отда турган бегижон,
Қимки ўтмас бу дунёдан беармон,
Тувган энам сизга баён айласам,
Мени тувган энам оти Даљиҳон.

Ҳеч кимга йўқ ушбу дунё поёни,
Парранданинг йўқдир қўнор макони,
Дилимнинг қуввати, белим дармони,
Етти яшар укам оти Нурали.

Энди сўз айтайнин турган оғалар,
Ўзим нозик ҳам муштипар безубон,
Қиблагоҳим отамнинг оти бол Аваз,
Тўққиз ёшда менинг отим Гулнор.

Бу сўзни икки йигит эшитиб қизга қараб бир сўз деди:

Овчилар эрчитар чўлга тозини,
Мерганлар отади қўлнинг ғозини,
Худо берди мақсадимнинг ўзини,
Отанг олиб келган бойнинг қизини.

Ниятимни тангрим айлади йўлдош,
Тураворгин, даста гулдай қаламқош,
Отанг олиб келган бойнинг қизини,
Бой қизига сени қилдик бошма-бош.

Улар воқиф бўлди қизнинг ҳолидан,
Ажаб дучор бўлди чиқди йўлидан,
Иккаласи икки ёқдан от қўйиб —
Беклар олиб кётди икки қўлидан.

Фарёд айлаб чиқди қизнинг товуши,
Кетмакка йўқ Гулнорнинг хоҳиши,
Дуря рўмол тушиб қолди бошидан,
Оёғидан тушди икки ковуши.

Ногоҳ бир ёш бола дарвозага суюниб бу қиз билан йигитнинг сўзига томоша қилиб турган эди. Гулнорнинг рўмол, ковуши тушиб қолди. Ул бола рўмолни қўлтиқ-қа қистириб, икки ковушни икки кафтига қўйиб ул қиз чиқкан дарчага кириб кетди. Ул дарча Авазнинг ўрда-

сининг дарчаси эди. Бола ковушни кўтариб ул қўрғон ичига кириб борди. Авазхон қўрғон ўртасида тувахонадан отни олиб чиқиб, қўрғон ўртасида қумга отни оғнатиб турган эди. Ул ёш бола ковушни кўтариб кириб бориб Авазга бир сўз деди:

Олдингда бор бойнинг қизи қаламқош,
Бой қизига бўлди қизинг бошма-бош.

Хеч кимнинг ёзмасин ҳаққа қилмиши,
Қиздан хотин олмоқ қулларнинг иши,
Туркман элидан отли келди икки киши,
Олиб кетди Гулнордай болангни,
Дурая рўмол, қолди икки ковуши.

Бул гўдак сўзини Аваз эшилди,
Турган ерда беҳуш бўлиб оҳ торти,
Юган солиб яйдоқ минди Фиротди.

Қилич ушлаб яйдоқ миниб отига,
Икки йигит орқасидан йўл торти,
Шаҳар ичра отни «чу» деб тезлатди,
Бошни қўйиб тезлаб чопди Фиротди.

Туркманлар дарвозага борганда,
Аваз отни тезлаб қувалаб етди.
Авазнинг шарласин улар эшилди,
Гулнорни ташлаб иккови кетди.
Дарвозадан чиқиб кетди ташқари,
Иккаласи икки ёққа йўл торти.
Аваз тушди бирин қувлаб кейнидан,
Аваз қувиб юрар йўлни узатди.

Ногоҳ қувиб етиб бориб орқадан
Қилич солиб чопиб уни сулатди.
Туркманнинг элчисин бирин ўлдириб,
Аваз даштдин қўрғон ичига қайти.
Гулнорни олди от орқасига
Қизин олиб Аваз ўрдага етди.

Авазхон қизини ўрдага түшириб дилжам бўлди.
Эндиғи сўзни қочиб кетган йигитдан эшигининг. Аваздан
қочиб чўлда борар эди, ногоҳ ул қочган йигитнинг
йўлидан уч юз арзачи дучор бўлди. Ул уч юз арзачига
Авазнинг қизини олиб қочганини, Аваз орқасидан етиб
келиб унинг ҳамроҳини ўлдирганини, Чамбильда нима

иш қиласа унинг ҳаммасини ул арзачига бир-бир баёп қилди. Улуғлар: туркманнинг йўлига яна бир йигит тақдим бўлиди, деди. Ул қочиб борган йигитни ўзиға ҳамроҳ қилиб уч юз арзачи Чамбильга қараб сафар қилди. Мана, намози аср вақтида Чамбильнинг сиртқи дарвозасига кирди, шаҳар ичига кириб қадам қўйди. Ярим кеча вақтда Гўрўғлиниг хонаи — ўрдасига келди. Ўрдада чироқларни ўчириб барчалари уйқуга ётган эди. Ул саркардалар ўрданинг дарвозасини келиб қоқди. Дарвозабон Мансур туриб қўрдики бисёр оломонлар дарвоза қошида турибдур. Дарвозабонлар бу ҳолни қўриб, дам урмай ўрда ичиди ётган Чаққонга хабар берди. Чаққон ҳам келиб дарвозанинг андозидан қаради, бисёр оломонлар турибдур. Бул ҳам дам урмай орқасига қайтиб кетди. Гўрўғли(нинг) олдига келди. Дарвозанинг қошида бисёр оломонлар турибдур — деб айтди. Гўрўғли айтди:— Эшикни очиб чиқиб анифими (бил) ким экан? (деди). Чаққон бу сўзни хондан эшитиб чиқиб борди. Дарвозани очиб қўрдики, туркман улуғларидир. Чаққон сўради:— Эй туркман улуғлари, нима ишларинг бор?— деди. Улар айтди:— Бизнинг хонга дейдиган сўзимиз бор,— деди. Чаққон ҳам индамай, орқасига қайтиб бориб Гўрўғлига шу сўзни хабар берди... Сизнинг ўзингизга дейдиган сўзлари бор экан,— деди. Гўрўғли айтди:— Эй Чаққон, чиқиб чироқларни равшан қилгин, мен ҳам чиқарман,— деди. Чаққон чиқиб чироқларни равшан қилди. Ҳар қайси устал, гурзиларини ўз жойига саришта қилиб қўйди. Гўрўғли ўз тахтига чиқиб ўлтириди. Мансурга буюрди.— Эшикни очгил, ул улуғлар кирсин,— деди. Мансур дарвозани очиб равон қилди. Улуғларнинг кўзи Гўрўғлихонга тушди. Дарвоза остонасидан бошларини ерга қўйиб хонга салом қилди. Бошларини ердан кўтариб, уч-тўрт қадам босиб, яна бошларини саждага қўйиб таъзим қилди. Ҳар қадамда хонга шу хилда такаллуф билан борарди, тахт тагидан уч юз саркардалар бош кўтарди, салом қилиб бўйинларини солиб, қўл қовуштириб, дам урмай ерга қарашиб турди. Гўрўғлихон ҳеч кимдан бундай такаллуфни кўрмаган эди. Буларнинг қилган таъзимларига Гўрўғлиниг аъзоси сувдай¹ тўкилди. «Бир қабоҳат иш бўлганга ўхшайди» — деб Гўрўғли ўйлади. Булар сўзламай таъзим билан тураг эди. Хон айтди:— Эй улуғлар, юқорига

¹ Бадани титраб кетди.

чиқиб ўлтиринглар, ўлтириб сўзлашгаймиз. Бунда бу уч юз кишининг орасида бир киши бор эди. Ул кишининг номини Дониёр дер эди. Ул Дониёр қирқ минг уйлик туркманинг сўзамол кишиси эди. Хон буларни ўлтиринглар дегандан кейин ул келган улувлар Дониёрга қаради. Дониёр айтди:— Эй султон, биз арзага келганимиз, токи бизнинг арзимизни бартараф қиласангиз ўлтирмасмиз. Хон:— Нима арзларинг бор?— Дониёр айтди:— Бизнинг туркман элат ичинда деди. Дониёр айтди:— Бизнинг туркман элат ичинда хурматли бойимиз тўй қилиб, юртимизнинг соҳиби деб сизни тўйга айтдик. Тўйга ўзингиз бормай қадр билмас кулвачаларингизни юборисиз. Юборган болаларингиз улоқ-маърака ичинда бир неча йигитларни ноҳақ ўлдириди. Тўй қилган бойнинг қизини олиб қочиб келди, тўйни бузиб, туркман элининг обрўсини ерга тўкди. Арзимиз шулдирки, Авазни бизга боғлаб беринг, биз олиб бориб дорга осиб, тўй ўтгунча ўликни тагида улоқ чопгаймиз. Агар сизга Авазқул керак бўлса туркман элидан кечинг, яроқ-жабдуқ қилиб, сиз билан жанг қилгаймиз, ёки сизнинг қўлингизда ўламиз, ё сизни ўлдириб ҳукуматни қўлимизга оламиз. Сўз шулдирки, ё Аваздан кечинг, ё туркман элидан кечинг. Бул сўзни Дониёрдан эшишиб Гўрўғлининг бошига осмон тушиб кетгандай фуссаи ғам босди. Гўрўғли кўзидан гуррон ёшни тўкиб, бошини ерга солиб туриб қолди. Орадан бир фурсат ўтгандан сўнгра бошини кўтариб туркманлик саркардаларга қараб бир сўз деди:

...Бир кунча бўлмади менга бу давлат,
Шоҳ, гадога бўлди ҳукмим адолат,
Ўтизимдан юртга қилдим ҳукумат,
Бошим ўтди ҳасрат билан бефарзанд.

Эсиз умрим фафлат билан ўтдими,
Ёлғизликни пешонамга битдими,
Ўғил тугул қиз бермади худойим,
Пари олиб пуштим куйиб кетдими?

Бу дунёга қандай banda тўяди,
Ўлган куни хонинг тахтдан тояди,
Йиглаб ўтди бошим менинг бефарзанд,
Худо мендан ўғил, қизни аяди.

Подшоман деб яхши либос киймадим,
Куш кўтариб пўлат добил туймадим,

Не ёзибди яратганга қилмишим,
Тиззамга олиб бир фарзандни сўймадим.

Овлаб ўтдим доим Ҳавдак кўлини,
Найза билан буздим душман элини,

Ҳар шаҳардан оп қочиб кеп, бу жойга,
Боқиб олдим кушандамнинг улини.
Қундан-кунга умрим довондан ошар,
Мен ўлгунча боқма болларим шошар,
Ўлган куним танам қолар кўмилмай,
Меросчўрман деб дунёни талашар...

Менда йўқдир ўғил, ини, қариндош,
Бир жонкуяр қариндош йўқдир менда.
Чамбил элда ўлсан, босган изим йўқ,
Қирқ йигитга чўлан бердим, тузим йўқ,
Қазом етиб ўлиб кетсан ногаҳон,
Йиглайдиган менинг сингил, қизим йўқ.

Бандаман, ўйладим танда миним йўқ,
Юрт қўрийман дедим, менда тиним йўқ,
Қазом етиб ўлар вақтда бошимни —
Ушлаб турғич бир жонкуяр иним йўқ.

Аваздан ортиқча кўрган қулим йўқ,
Қазом етиб ўлиб кетсан Чамбилда
Ёлғиз қулман, ўрним босар улим йўқ...
Ажал жоним олар бағримни доғлаб,
Ким отамлаб борар бошимда йиглаб?..

Одам дарахт, фарзанд экан меваси,
Қазом етиб ўлиб кетсан Чамбилда,
Ким бўлади Чамбил-Туркман эгаси?

Майдонда панд берар отнинг майиби,
Хонинг ўлса Аваз эди нойиби,
Мен ўлгандан қадрим ўтар сизларга,
Ҳеч эр чиқиб бўлмас элнинг сойиби.

Учардà қўноқда қушлар таранар,
Қиз вояга етганида сийланар,
Мен ўлгандан қадрим ўтар сизларга,
Чамбил, туркман қизил бошга таланар.

Қасд этиб сиз келибсиз Аваз қўзимга,
Оёқ босиб келдингизлар юзимга,
Отам деб ўн бир йил қилди хизматни,
Розиман ўн бир йил берган тузимга.

Отам деб ўн бир йил қилди хизмат,
Уйланиб ортқизди икки фарзанд,
Чамбидла йўқ Авазга хиштию, жаҳот¹
Боласин топширсин кишига омонат.

Қўйига учар бемор банда юлдузи,
Нурдан айрилади мурданинг юзи,
Олиб кетсанг ногоҳ Аваз боламни,
Мен бўлайин берган тузимга рози.

Тўққиз кун қўйинглар Авазга муҳлат,
Эшитингиз туркман эллик бадавлат,
Тўққиз кун саноқли ўтсин орадин,
Авазга буюринг кечаси жаллот.

Улмагунча битмас банда ҳасрати,
Кундан-кунга ошар ғаму меҳнати,
Бердим сизга бол Аваздай боламни,
Туркманликнинг қони-жонин ҳурмати,—

деб бийларга Гўрўғли Авазни тақдим этди. «Хукмкаш-
га буюриб олиб кетгаймиз» деб бийлар хоннинг ҳақига
дуо қилиб, тўққиз кундан сўнгра Авазни кечаси киши
буюриб тутиб, дорга осиб ўлдириб, тагида улоқ чоп-
гаймиз, деб бийлар чиқиб кетди. Гуссаи ғам Чаққон-
нинг бошига етди. Чамбил элда Авазни Гўрўғли турк-
ман элига кечиб берган эмиш, Авазни туркман эллар
тутиб олиб дорга осиб ўлдирап эмиш, деб Чамбил элда
тагап тарқади. Бу сўзни эшитмаган киши қолмади. Чам-
бил ҳалқи барчаси Авазни дўст тутар эди. Аваз билан
кимки суҳбат қиласр эди, ушбу сўзни билар эди. Аммо
яҳши кўрган кишига ёмон сўзни айтиб кўнглини ғаш-
қилишнинг фойдаси йўқ деб, Авазга айтмас эди. Аваз-
хоннинг Оқчиш бойнинг қизини олиб келганига орадан
йигирма беш кун ўтди. Йигирма беш кундан бери Дал-
лихоннинг тўшагига кирмай, бойнинг қизи билан ётар
эди. Гўрўғлининг туркманга берган ваъдасига саккиз
кун ўтди. Намози аср вақти бўлганида Аваз Даллихон-
га боқиб айтди.

¹ Қариндош-уруг маъносида.

— Ёнинга ўрин соггин, мен икки боламни шу бугун
дийдорига тўйиб ётай, ажаб кўнглим паришондир,
билмасманки нима бўлгай. Икки боламнинг меҳри ҳар
кунгидан бугун кўнглимга ўзгача кўриниб боради,—
деди.

Ул кун кечаси Даллихоннинг тўшагига кириб ётди.
Икки боласини қўйнига олиб ётган эди, Чаққонбек хон
ўрдасида тун ярим кечаси ўрнидан туриб, ўрда дар-
возасига келди.

— Эй дарвозабон, дарвозани очгин, шаҳар ичига
борурман, менинг шаҳарга чиққанимни ҳеч кимга айт-
ма. Чиқиб шаҳарга қараб равона бўлди. Шаҳар оралаб
Авазнинг ҳовлисига етди. «Авазга хабар берай, агар
туркманликлар Авазни тутиб кетиб ўлдирса, бу сирни
мен Авазга айтмасам дўстлигимнинг ҳеч поёни йўқдир.
Бориб айтай, хоҳ бир тарафга кетсин, хоҳ кётмасин.
Нима бўлса ўз уволи ўзига» деб, Авазни қўргонининг
ичига девордан ошиб тушди. Ётган уйини дарчасининг
тагига бориб Авазни чақириб бир сўз деди:

Саккиз кун йўлингга боқдим ёлбориб,
Юзинг кўриб муҳтож бўлдим сарғайиб,
Faflatda ётган бўлсанг, бол Аваз
Тур уйқудан Аваз, бошинг кўтариб.

Бу дўнёда омонатдир танда жон,
Ёлғиз қулга тангрим бўлар меҳрибон,
Дарвозангга келдим сени ахтариб,
Faflatda ётган дўстим, бормисан?

Туркман элдан оп кепсан бир паризод,
Отангга арз қилди туркманлик элат,
Сендан кечди Гўрўғлидай бефарзанд,
Тўққиз кунга берди жоннингга муҳлат.

Уғилман деб қилдинг, султонга хизмат,
Сен ўлганда мен Чаққонга қиёмат,
Тур ўрнингдан, бош кўтаргин, бол Аваз,
Хабар бердим, бўл ўзингга эҳтиёт.

Faflatdan очгин, дўстим кўзингни,
Кўлинг боғлаб сарғайтмасин юзингни,
Туркман элдан тутмоқса келса жаллод,
Ухлаб қолмай, эҳтиёт қил ўзингни.

Бу сўзни Чакқондан Аваз эшитиб, ётган жойидан турди. Даричанинг остига келиб, эшикни очмай Аваз Чакқонга қараб бир сўз деди:

Ол-ол бўлсин, бугун сенга ол бўлсин,
Тикон деб тутганинг тоза гул бўлсин,-
Бемаҳалда келмас эдинг бу жойга,
Нега келдинг, Чакқон, сенга йўл бўлсин?

Жанг ваҳмин солди товшинг дилимга,
Химмат камарини боғлай белимга,
Нега келдинг bemахalda Чакқонбек,
Ёв келдими Така-Ёвмит элимга?

Жанг ишига қилсан дилдан хоҳиши,
Отга миниб солай белга қилични,
Ёв келдими менинг Чамбил элимга,
Душман келса чиқиб қилсан урушни!

Бу сўзни эшитиб Чакқонбек Авазга бир сўз деди:

Үрдаклар қутулмас сайис қушидан,
Ёмон одам қайтмас қилар ишидан,
Ўз жонингнинг ваҳмин қилгин бол Аваз,
Чамбил қолсин хумса хоннинг бошидан.

Ким раҳм этар йигласанг кўз ёшинингга,
Арзим айтиб келдим, дўстим, қошинингга,
Отанг кечган сендан, билгин бол Аваз,
Букун жаллод келар сенинг бошинга.

Душман келар, очгин дўстим кўзингни,
Ҳализамон келар туркмандан жаллод,
Бир тарафга олгин, дўстим ўзингни.

Шунда Аваз Чакқонга бир сўз деди:

Эрисин, тоғларнинг қори эрисин,
Ҳар банда олгани билан қарисин,
Ҳар ким бўлсин ўз элининг гадойи,
Мусофири кўрган куни қурисин.

Иддарида¹ мендай Аваз ўлмади,
Кўп жон уздим, ўгайлар ўз бўлмади,

Ўн бир йил хонга қилдим хизматни,
Қадр топиб қуллик отим қолмади.

Қувонибон миндим деб яхши буроқ,
Кетай десам отамнинг юрти йироқ,
Кенг Чамбильда даври-даврон сурганча.
Ўз элимда пода боқсан яхшироқ.

Юрагимда бор аламнинг яраси,
Менга ўз бўлмади Чамбил тўраси,
Кетар бўлсанм отам юрти Гуржистон,
Уч ойчалик отам юртин ораси.

Отам деб ўн бир йил бердим саломни,
Чамбил элда тортдим жабру аламни,
Уч ойчалик Хунхор элнинг ораси,
Мен ҳам кўргим келар ота-онамни.

Болларимдан узолмасман қўзимни,
Ёлғиз жоним асраб кетар ўзимни,
Бошим олиб кетсан шаҳри Хунхорга,
Кимга ташлай гарип икки қўзимни?

Софинсам оғзимга сифмас тилларим,
Мен булбулман, икки болам гулларим,
Ўзим кетсанм бошим олиб Хунхорга
Қайда қолар икки гарип болларим?

Аваздан бу сўзни эшитиб Чакқон бир сўз деди:

...Ўз жонингни эҳтиёт қил бол Аваз,
Болларингни мен Чакқонга ишонгин.

Ҳар намозда дуо қил умрин тилаб,
Мен ўлмасам қолмас кўчада йиглаб,
Кунда аҳвол олай ҳолини сўраб,
Тарбия қиларман бошини силаб.

Ҳардамда боланг умрин тиларсан,
Ўлиб кетсанг маҳшар гоҳда биларсан,
Ўлмасанг айланиб бир кун келарсан,—

деб Чакқон бу сўзни айтди. Авазхон Чакқонга қараб
бир сўз деди:

...Гул новдадек эгилмасин белларим,
Болларим деб вайрон бўлар дилларим...

¹ Гўдаклик.

Етимликка лойиқ эмас болларим.
Айтганим шул, кетганимни билмасин,
Хўрлик тортиб кўзга ёшин олмасин,
Сарсон бўлиб кўчаларда қолмасин.

Хор бўлиб ёш олмасин кўзига,
Етимликни билдирмагин ўзига,
Ҳарна деса киргин айтган сўзига,
Аҷифланиб қарамагин юзига.

Чаққонбекка айтди сўзнинг поёни,
Ул аросат бўлди Аваз ватани,
Аваз билан Чаққонбекнинг товшига,
Уйқусидан бедор бўлди Нурали.

Ота, йўл бўлсин, деб кўзин ёшлади,
Отасининг олдига ўзин ташлади,
Инглаб келиб туриб ўғли Нурали,
Бол Авазнинг оёғидан ушлади.

Инглаб ёшга тўлди Авазнинг кўзи,
Завъфарондек бўлди қизарган юзи,
Уйқудан уйғониб туриб ўрнидан,
Иягидан ушлади Гулнор қизи.

Тез бўлинг деб қистар эшикда Чаққон,
Болларига пармон¹ бўлди Авазхон,
Учоққа ўт ёқиб, тўшакни солиб,
Чироқ ёқиб равшан қилди Даллихон.

Аваз ўлтириди ўчиқнинг юзига,
Икки боласин олди тизига,
Икки боласини бошини силаб,
Инглар эди ёш тўлдириб кўзига.

Болаларини тизига олиб ўлтириб, Авазхон болала-
рига қараб бир сўз деди:

Иккаланг вужудга келдинг танамдан,
Ўзим ўлмай қутулмасман аламдан,
Менинг куним мерос бўлди сизларга,
Тўрт ёшда айрилдим ота-энамдан.

¹ Парвона.

Сиздан ҳаргиз жудо бўлмас дилларим,
Мен булбулдек, сизлар тоза гулларим,
Бугун сиздан жудо бўлдим, хуш қолинг,
Кўрармани ё кўрмасмай, болларим.

Менга бўлди қиёмат охир замон,
Менинг учун сизларга соҳиб Чаққон,
Рози бўлинг чала тақдир, Даллихон,
Кўп йилатмай юпатиб ол болангни,
Кетар бўлдим, отам юрти Гуржистон.

Қалам қилиб ўйнатарман тилларни,
Қўён бўлиб кезай қумли чўлларни,
То кўргунча омон бўлинг, хуш қолинг.

Бу сўзни Аваздан эшитиб, Даллихон Авазга қараб
бир сўз деди:

Ота-она булбул, бола гулмиди,
Етимларнинг кўзин ёши кўлмиди,
Шу чоққача умр қилиб бир жойда,
Охир сендан кўрган умид шулмиди?

Энди кўргинг кепти ота-энангни,
Шул умидда қўшганимидинг танангни,
Мен ҳам бўлса бир кунимни кўрарман,
Олиб кетгин ғариб икки болангни!

Менинг шахрим олтойлик Қаркистонда,
Сенинг юрting уч ойлик Гуржистонда.
Чамбилда йўқ қариндош сенда, менда,
Етимларинг қилар мени шарманда.

Ёш ўрнида тўкса кўздин қонини,
Уз ҳолига қўймас Далли жонини,
Отасидан тирик айрилган етим деб,
Кимки берса муштлаб берар ионини.

Ғамда қўйма мен Даллини бошини,
Етим доим тўкар кўздан ёшини,
Қўлдан илож қелмас хотин кишини,
Душманларинг силкиб берар ошини.

Далли қилди инглаб оҳу фарёдни,
Кокилларин дол-дол қилиб тарқатди,

Энди сендан тирик жудо бўлдим, деб
Уй ичинда қилди оху фарёдни.

Охир Далли йиғлаб-йиғлаб бу жойда,
Сабр тилаб Далли ўзин тўхтатди,
Отанг билан буванг овга борар деб,
Ов қилиб уч кунда қайтиб келар деб,
Болларини Далли алдаб юпатди.

Йиғлаб чиқди Чаққонбекнинг қошига,
Еқаси ҳўл бўлиб кўзий ёшига,
Аваз билан Далли чиқиб эшикка,
Қўлин етказди Чаққон бошига.

Чаққон йиғлаб икки кўзин шоширди,
Далли чиқиб Чаққонбекка бош урди,
Аваз Чаққон олдига чиқиб,
Боллариман Даллихонни топширди.

Улум келди бол Авазнинг уйига,
Қувонарди икки боласин бўйига,
Аваз билан Чаққон кетмоқчи бўлиб,
Далли қайтиб кирди ўзин уйига.

Далли йиғлаб қилди оху фарёдди (ни),
Дарвозанинг зулфинин бориб бўшатди,
Чаққон билан бол Авазга хушлашиб
Шаҳар ичра иккаласин жўнатди.

Дарвозани қайтиб Далли бекитди,
Уйга кирди ўз тўшагида ётди,
Фарзандларин маҳкам босиб бағрига,
Пинҳон йиғлади, мотам тутибди.

Естиғи ҳўл бўлди, кўзин ёшига,
Тўшакни чулғаб йиғлади бошига,
Чаққон билан Аваз кетди шаҳарга
Етиб борди мироҳўрнинг қошига.

Ана энди Чаққон билан Аваз мироҳўрнинг қошига етиб
борди. Мироҳўрошига айтди:— Эй бобо, мен Чамбил
да турмас бўлдим, Гўрўғлининг юзини кўрмас бўлдим,
Шамбилни унутар бўлдим, Хунхор кетар бўлдим. Менга
бир от бергин,— деди. Ул вақти бобо айтди:
— Сенга от бермасман, агар сенга от берсам тонг-

ла эрта билан Гўрўғлихон мени ўлдирап. Авазхон
айтди:

— Эй бобо, мен тўрт ёшимда Чамбилга келиб тожи
либосни бошимга кийдим. Гўрўғли давлатида мендан
ортиқ киши бўлмади. Мана кўрдингми, бир туркман
қизни юзи хотирича юзим бўлмади. Бу Гўрўғли хумса,
хотини турмас тумса, қилган меҳнатим қадрини бил
мади. Мен нима бўлдим, сен нима бўлар эдинг. Мендан
неча йил илгари келиб ортирган амалинг мироҳўрчи-
лик экан. Кимики бу Гўрўғлига хизмат қилса охирда
хордир. Менга бир отни, ўзингга бир отни эгарлагиҳ,
иккаламиз бирга кетайлик. Менинг отам юрти Гуржис-
тондир, биримиз ўлсак биримиз дағніпӯш бўлармиз,—
деб чолни Аваз сурпта қилди. Ул вақти мироҳўр:—
Рост айтасан. Бу Гўрўғли хумса кимни яхши қилдики,
мени нима қилар эди, деб ўрнидан туриб, Гиротни
эгарламакка борди. Аваз айтди:— Эй бобо, ул отни
эгарламагин, бу отни миниб кетсан Гўрўғлига от ўғ-
риси бўларман. Ҳар тараф дўст-душманлар таъна
қилар. Гўрўғли аҳмоқ бир қизилбош боласини тарбият
қилиб боқиб эди, Гўрўғлининг Фиротини миниб, қанот-
қуйругини синдириб қочиб кетди дер, Гўрўғли ҳам
ачиниб қолар, нима қилай, бу ерда икки болам қолянти,
ўлмасам келишга умидим бордир. Ҳар нима бўлса ҳам
бошқа от эгарлагин,— деди. Бобо Соқи Фиротни қўйиб
Мажнун кўкни эгарлади, сар саманни ўзига эгарлади.
Чаққон мироҳўрга мингашди. Мажнун кўкни Аваз
минди. Сайисхонадан чиқиб жўнайверди. Саҳар вақти
сиртқи дарвозага борди. Чаққон дарвозадан буларни
чиқариб, Соқи билан Авазни хушлашиб жўнатди. Чақ-
қон дарвозабонга айтди:

— Ҳаргиз бу сирни кишига ошкора қилмагин, агар
бировга айтсанг ўлдираман,— деб дарвозабонни пи-
шиқлаб Чаққон ўрдага қараб қайтди. Тонг отар вақти
ўрдага келиб ётди. Авазни жўнатиб Чаққон дилжам
бўлди. Энди Чаққонни бу хотиржамлиқда қўйинг, Соқи
мироҳўр билан Авазнинг йўлда боришини гапираи-
лик.

Қала шаҳри дарвозасидан чиқиб бобо Соқи билан
Аваз ўн кечалаб қистаб, қамчилаб йўл босди. Пешин
вақтида Асқар тоғига етди. Асқар тоққа чиққанда бир
тарафдин туркманинг ўтови кўринди, бир тарафда
Бадбахт тоғи ҳам кўринди. Аваз айтди:— Эй бобо, ана
кўринган Бадбахтнинг тоғи, сиз довон бошига чиқиб,
тўхтаб туринг. Бугун кечқурун бўлса тўққизи ўтса

отамнинг туркманга берган ваъда куни битар экан.
Туркманлар мени тепамга киши буюрса, кечаси бола-
чақамни есир қилиб юрмасин, бориб туркманнинг ўто-
вини оралаб, ўзимнинг Хунхор кетганимни билдириб
кетай. Улмасам эртага сизга етиб бораман,— деб бо-
бони Бадбаҳт тоғига қараб жўнатди. Аваз туркман
ўтовига қараб жўнади. Ёйлган қўйдек жимиллаб ёт-
ган ўтовнинг орасига Аваз оралаб бораверди. Узининг
Хунхор кетаётганидан хабар бериб, ўтовни оралаб бо-
раётиб, Аваз бир сўз деди:

Шамолда чанғиди қумларнинг чўли,
Эшитинглар, аё туркманнинг эли,
Отим Аваз, мени танинг туркманлар,
Мени сизга кечиб берди Гўрўли.

Қиличимнинг тифи тўсай сипарга,
Қўп қирғинлар солай, туркман, сизларга,
Гўрўлига бўлди бошим бадкарда,
Бугун қочиб кетар бўлдим Хунхорга.

Отим Аваз, мендай адашган банда,
Қизинг олиб бўлди бошим шарманда,
Манман деган ботирларинг боравер,
Уруш қилсанг тўхтаб турай Балқонда.

Белга боғлаб ҳам айили қилични,
Қалма очар қулфин саккиз биҳишини,
Туркман элда манман деган ботирлар,
Аваз қочди, қилиб қонглар урушни.

Яроқсизлар қилар жангни талатўп,
Ҳарна деган сўзим халқа бўлди эп,
Туркман элда манман деган ботирлар,
Таъна қилманг, Аваз қочиб кетди деб.

Аваз қилди эл ичидаги товушди(ни),
Элдан чиқиб дала йўлига тушди,
Қилич, калтак кўтарган оломондан,
Отли, яёв шовқин бериб эргашди.

Аваз кўрди оломоннинг ишини,
Афсус қилиб тўқди кўздан ёшини,
Ғазабланиб қиличини суғуриб,
Тўпга қараб бўрди отнинг бошини.

От терласа қўпигини чочади,
Тўпга қараб от лочиндан учади,
Оломонлар кўриб Аваз қаҳрини,
Бир-бирига қарамасдан қочади.

Чанги туман қилди туркман чўлига,
Қилич олиб халқни қувди қўлига,
Орқасидан ҳой-ҳой деди, қийқириб,
Туркман элни қувиб келди элига.

Туркман ичи бўлди шўриш аросат,
Чин ажалдай қувиб келди Аваз мард,
Бирор кишин зарар бермай, ўлдирмай,
Улуғлик шаънига қилди сиесат.

Оломонни қувиб келиб тўхтатди,
Аваз отни бурди, далага кетди,
Бир кечаю кундуз орадан ўтди,
Икки кеча-кундўз тоқقا тармасиб,
Уч кунда Соқи бобога етди.

Етиб борди мироҳўрнинг қошига,
Фам меҳнати тушди Аваз бошига,
Чамбил элни қалалари кўринди,
Еқаси ҳўл бўлди қўзин ёшига.

Бўйини тўлғайди ҳар ёққа бураб,
Афсус айлар узангисини тираб,
Хунхор йўлини назар қилди зиҳн қўйиб,
Тумандай кўринди Хунхор ярқираб.

Кўздан ёши мунчоқдай бўп тизлади,
Бўтадан айрилган нордай бўзлади,
На Хунхорга, на Чамбилга қайтолмай,
Бобосига бир сўзни деб сўзлади.

Шунда бобо Соқига қараб Аваз бир сўз деди:

Қанотимдан қарчиғайдай қайрилдим,
Қадам босган оёғимдан тайрилдим,
На Хунхорга, на Чамбилга боролмай —
На қилурман, болларимдан айрилдим?

Умид узсам, ўлар бўлсам ўзимдан,
Доим ёшим тинмай оқар юзимдан,

Нечук юрарман Хунхорнинг элинида,
Тирик жудо бўлдим икки қўзимдан?

Ҳеч ким менча тортмас дарду аламни,
Пешонамга ёздимикан қаламни,
Бориб кўрсам шаҳри Хунхор элига,
Кўрарманми отам билан энамни?

Чамбил элда йиғлаб қолди Даллихон,
Икки фарзандимни ташлаб бу жойга,
Қандай юрай юзин кўрмай бобожон?—

деб Аваз бу сўзни айтди. Бобо Соқи Авазга қараб бир
сўз айтди:

...Кўп йиғлама, юра бергин фарзандим,
Ўлмасак айланиб бир кун келамиз.

Кўп йиғлама, кўнглим бузиб, зор-зор,
Ота-эна бир шунчаки сабабкор,
Отадин айрилиб ўлган қайда бор,
Яратгич етим ризқини берар.

Бобоси сўзлади, кўзин ёшлади,
Бол Авазнинг тизгинларин ушлади,
Энди ҳарна бўлса бўлди, юргил деб,
Тоғдан тушиб Гуржистонга бошлади.

Пастга тушиб борар отлари тойиб,
Икки болам Чамбил элда қолди деб,
Аваз борар орқасига қийшайиб.

Авазнинг кўзидан ёши чизилди,
Кўп ўлади, Аваз кўнгли бузилди,
Пастга тушди, Чамбил қолди кўринмай,
Оҳ тортиб чин умиди узилди.

Ақлини тоғланган банда доноди(r),
Оқил бўлмоқ оқ сут берган онади(r),
Бобо билан Аваз энди от тезлаб,
Тоғдан тушиб Хунхор қараб жўнади.

Тепинишар узангига даф бериб,
Селлиб отининг соврига қамчи уриб,
От нихтайди сувлиғини кемириб,

Қорақумдан чопиб борар бедовлар,
Тулки сифат қулогини жимириб.

Тезроқ чопса оғзини шердай очади,
Сувлиқ чайнаб нордай кўпик чочади.
Қорақумни туман қилиб чангитиб,
Лочин қувган қуёндай бўп учади.

Отни қистаб, селлиб қамчи тортади,
Тиззасидан Қорақумга ботади,
Ер бағирлаб назаркарда бедовлар,
Қаптар қувган қарчиғайдай кетади.

Тосқоқдай¹ терлари музлаб қотади,
Мисли тосқоғини ўқдай отади,
Қўмда қистаб чопса бошини қўйиб,
Чанглари қуондай кунни тутади...

Тоғда битар булат билан туронғи²,
Аваз кийган совут энгил фарангি,
Отни қистаб бобосиман йўл босди,
Кундузи ҳам кечаси қоронғи.

Аямайди сафар қилганда отди(ни),
Сувсиз чўлда тинмай отни ўйнатди,
Үн тўрт кеча, ўн тўрт кундуз йўл босиб,
Уч ойлик Хунхорга чошгоҳда етди.

Чанглар туман бўлди Хунхор дашига,
Қизил туман тушди Хунхор бошига,
Бобо билан Аваз борди от буриб,
Дарвозабон қўрбошининг қошига.

Аваз билобо отни тўхтатди,
Йўл азобин кўп босдик деб оҳ тортди,
Дарвозабон кўрди булар бегона,
Дарвозабон дарвозани бекитди.

Аваз кўрдики дарвозабон дарвозани тортиб беркитиб
қўйди. Айтди:— Эй дарвозабон миршаб, эшикни очгин,
биз шаҳарга киргаймиз,— деди. Дарвозабон айтди:

¹ Югурганда отининг ёғидан чиқсан лой.

² Тоғлардаги тўқайларда битган, одам ўтолмайдиган бўлиб,
офтоб туширмай ётган ёғоч, дараҳт.

— Ёнингда ёрлифинг борми?

Аваз айтди:

— Иўқ!

Дарвозабон:— Ёрлиғи йўқ кишига йўл бермасман,— деди.

Аваз айтди:— Мен савдогардирман, ушбу ердан ўтганимга етти йил бўлди. Узим кўхистонликдирман. Чин шаҳрига савдога борган эдим. Ўтарда подшоҳи Хунхордин ёрлиқнома қилдириб кетиб эдим. Мусоғир юртида кўп юриб, подшонинг ёрлиғи тўзиб йўқ бўлиб кетди. Подшонинг ўз ҳузурига киргайман, етти йилдан бери берадиган хирож, бож-қарзим гарданимда бордир. Подшонинг олдига кириб ҳисобот қилурман, етти йилги бож-хирож қарзимни бериб, подшодан қутилиб, бошқа ёрлиқнома қилдириб олиб кетарман. Шу менинг арзимни подшога хабар бергил. Агар подшо «кирсин» деса киарман, бўлмаса келган йўлимга қайтиб кетарман,— деди. Подшоҳи Хунхорга ул дарвозабон савдогарнинг деган сўзини хабар бергин деб бир кишини юборди. Подшоҳи Хунхор ҳузурига бориб ул соҳид¹ хабар берди. Хунхор бу сўзни эшитиб завқ қилди:

— Қандай савдогар эканки, етти йилдан берисига берадиган бож—қарзини ўз тарданига олиб «бериб кетай» деб келибди. Эй вазир Абдулла, билгинки, ҳар кимики бўлса шуд савдогар одамнинг яхшиси экан, подшонинг ҳақига хиёнат қилмай божини бериб кетай дебди. Сиз бир-икки яхши мирзаларни олиб чиқиб ул савдогарнинг ҳисобини олинг, ўз иқрорига қўйинг, ни маики берганини иқрор бўлиб олинг. Қўлга олиб туриб нисбини ўз йўл харжига қайтиб беринг, ёрлиғини яхшилаб қилиб беринг. Бундан бошқа жойларга борса ҳам ул савдогардан бирор бож-хирож олмасин,— деб Абдулла вазирни бир-икки мирзалари билан юборди. Абдулла чиқиб келди. Чиқиб келиб кўрдик, бир ажаб савдогар йигитdir, юзи (худди) хуршиди офтобга ўхшар, қошлири мисли ойга ўхшар. Устига хилъат зарраи совутлар кийган, белида қилич, ҳамойил сурати подшога ўхшайди. Ўн тўртдан ўн бешга ёши етган, ҳусни боби таъриф қилмоқча тил, ожиз бўлур, бир пир киши ёнида турибди. Ул ҳам бир отнинг устида. Абдулла кўриб, Авазнинг юзига боқиб тахмин қилди. Вазир айтди:

¹ Хат хабарчиси.

— Бу савдогарнинг ҳисобини подшонинг ўзи олмоғи ҳўброқдир,— деди. Абдулла вазир Авазга ҳеч нима демай, бошқа ишда юрган кишидай бўлиб бўлак дарвозадан кириб кетди. Хунхор шоҳнинг олдига кириб айтди:— Эй шоҳи Хунхор, ул савдогар, бир хушрўй йигитдур, ҳусн бобида дунёда якка-ягонаadir, таъриф қилмоқча тил ҳам ожизлик қилур. Агар Булдуриқнинг ўғли Аваз бўлса бунинг соясига боролмас эдим, ул савдогар билан ҳисоб қилмадим. Агар жўнатиб юборсам кетгандан сўнгра бир кун сизга унинг сифатини таъриф қилсан — нимага шу онда айтмадинг деб менинг фазаб қиласиз. Шунинг учун ҳисоб қилмай қайтиб келдим. Сиз соҳиби ихтиёрсиз. У савдогарни ўз ҳузурингизга олиб келиб ҳисобни ўзингиз қилганингиз ҳўброқдир. Бу сўзни Абдуллодан Хунхоршоҳ эшишиб ўрнидан бир қадам сачраб учиб жойига тўхтади. Авазнинг даррагини эшиптани учун ичиди «магар Аваз бўлмагай» деб ўйлади. Абдуллога амр қилди:— Эй Абдулло, ўрта бозор катта кўчасини то Ўрданинг пойостонасигача, шаҳарнинг сиртқи дарвозасигача кўчаларга сув қуйиб ювдиринглар, шаҳарни атлас-баҳмаллар билан безаб, кўчаларга зийнат беринглар. Яхши зийнат бериб, ойнадек қилиб, савдогарни шаҳарга олиб кирилсин. Дарвозабон тунқаторларга хабар берилсин. Подшолар ҳар қайси ўз қавмлари билан кўчаларга, томошага чиқсин. Ҳар бир амалдорлар иззат, яхши хуштакаллуфлар билан ҳар қайси тунқатор ўз чегараларидан бир-бирларига узатиб қўйсинлар.

Ҳой Абдулло, сен олдига түшиб ул савдогарни менинг олдимга олиб киргин, кўрайчи ким экан? Абдулло шаҳарга эълон қилди. Шаҳарни ясаб ойнадек қилдирди. Абдулло чиқиб ул савдогар билан кўришиди. Эй савдогар йигит, шаҳарга юринг,— деб бошлаб дарвозадан кирди. Қанча мулоғимлар отни пиёдалатиб орқа-олдиларида келарди. Ҳар тунқатор, ўз чегарасидан кузатиб-кузатиб қайтиди. Олти кечаю кундуз шаҳарни томоша қилди. Ҳар бир обод жойларга тушириб, қўндириб олти кун бўлганда Хунхорнинг сиртқи боргоҳсига келди. Хунхорнинг ўтирган жойига уч пойостонадан ўтиб етарди. Пойостонадан ташқарига ҳар боргоҳда тўрт юз элликдан тождор амалдорлар ўлтирас эди. Сиртқи боргоҳ пойостонасига келиб Аваз тўхтаб қолди. Абдулло:— Мен кириб подшоҳга хабар берай,— деб кириб кетди.

Абдулло подшога кириб айтди:— Эй подшоҳи Хун-

хор, савдогар келди, учинчи сиртқи пойостонада тұхтаб, туриб қолди. Сиздан ижозат бўлса кирап экан. Хунхор хурсанд бўлди. Ичиди айтди:— Ҳар кимки бўлса улуғ таълимими билган киши экан, кирсин,— деди. Боз Абдулло чиқиб кетди. Авазнинг олдига чиқиб:— Эй савдогар йигит, юргил,— деди. Бобо билан иккаласи боргоҳга қадам қўйди. Абдулло ул боргоҳ ичиди ўтирган тўрт юз эллик дангалнишин¹ амалдорларга туринглар деб ишорат қилди. Булар ҳам подшонинг раъяси деб устулларидан туриб турди. Ул боргоҳдан ўтиб, иккинчи пойостонага етиб Аваз тўхтади. Подшодан сўраб кирай деб Абдулло тагин Хунхорнинг олдига кириб хабар берди.— Иккинчи пойостонага келиб ул савдогар тўхтаб турибди,— деди. Хунхор:— Олиб киринглар, ичкариги пойостонанинг пардасини кўтариб қўйинглар,— деди. Абдулло чиқиб Авазни юр,— деди. Иккинчи пойостонадан Аваз чиқиб қадам босди. Хунхорнинг пойостонасига келиб тўхтади. Остонага бошини қўйиб, подшонинг ҳақига дуо қилиб туриб қолди. Ул остонадан бошини кўтариб, қўл очиб подшонинг ҳақига дуо қилиб тўхтаб турди. Подшо ҳам бошини ҳам қилиб қимирлатиб қўйди. Кирсин,— деб яна изҳор қилди. Аваз бобо Соқини «сен тўхта» деб ишора қилди. Остона ташқарисида бобо тўхтаб қолди. Аваз боргоҳнинг ичига қадам қўйди. Завқ билан юриб боргоҳнинг ўрта устуни тагига бориб, бошини яна ерга қилиб подшога таъзим қилиб турди. Подшоҳи Хунхор то. Аваз останадин тушиб боргоҳнинг ўрта устуни тагига келгунча назар солиб, Авазнинг оёғидан бошигача қараб, Аваз эканини таниди. Тахт устидан тушиб Авазга қараб қадам босди. Подшоҳнинг ўнги-сўнгига ўтирган вазир, тождор, тўрт юз эллик амалдор мироспўшлар, ҳаммалари ўрнидан турди. У подшо Авазга қараб юриб бораверди. Абдулло хабар қилди.— Эй савдогар йигит, бошингни кўтаргил, подшоҳи Хунхор етиди,— деди. Аваз сажда қилиб турган еридан бошини кўтариб Хунхорга кўзи тушди. Яна таъзим қилиб бориб подшоҳи Хунхорнинг оёғига юзини қўйиб йиғлаб турди. Хунхор:— Тургин бўтам,— деб қўлидан ушлаб Авазни турғизди. Қучоғига олиб қаттиқ қўриши. Авазнинг қўлидан тутганича тахтга қараб олиб борди. Подшо ўзи¹ нинг ўтирган тахтига Авазни олиб бориб ўтқазди. Бир кичикроқ тахт олдириб келиб Авазнинг рўбарўсига

қўйиб Хунхоршоҳ ҳам ўлтирди. Турган тўрт юз эллик амалдорлар рашк қилиб, подшодан ғийбат қилар эди.

Ўнгу сўлидан ғулғула кўпайди. Айтар эдики: Подшонинг ақли бошидан кетдими ёки ажали етдими, бу нима ҳолдир? Бир йўловчига бунча илтифотнинг нима даркори бор. Қанча, хизматлар қилиб, бу ерда ўтирган кишилар подшога писанд бўлмай, ўз ўрнига бир бегона кишини ўтқазиб ўз обрўсини тўкди,— деб шикоят қилар эди. Бунда подшоҳнинг тарафдорлари ўртасида ғавро чиққудек бўлди. Абдулло кўрдики, боргоҳнинг ичидан энди ғавро пайдо бўлди. Абдулло: «ҳой, ҳой, тек-тек» деб турди. Абдулло Хунхоршоҳнинг олдига бориб айтди:— Эй подшо, бул йигитнинг ҳолидан хабардор қилинг, танийлик, ким экан? Боргоҳ орасида хун тўқилишга яқинлади. Унда подшо Хунхор Абдуллога айтди:— Эй Абдулло, танимасмисан, Булдуруқнинг ўғли Авазхонни? Абдулло Авазга бошқатдан назар қилди. Авазнинг бошида симсори телпаги бор эди. Абдулло айтди: Э бўтам, бошингдан телпагингни олгин, кўрай, ким экансан? Мен сени танимадим. Ул ҳолда Аваз телпагини қўлига олиб вазир Абдуллога қараб, бошини ерга ғиб ҳам қилди. Авазнинг бошидан икки кокили камаридан тарқираб тушди. Кўрдики, Авазнинг худди ўзи экан. Абдулло югуриб бориб:— Эй бўтам, мен сени танимабман, омон-есон келдингми,— деб бошқатдан кўришди. Ҳаммалари Авазни таниб, деган сўзларига пушаймон бўлди. Подшога қараб ҳаммалари узр айтишди. Уринларидан турганча подшонинг ҳақига дуо қилишди. Ҳаммалари ўринларига ўтиришди, дилжам бўлди. Амалдорлар хурсанд бўлдиди, Хунхоршоҳнинг дилида ғаму ғусса кўп эди, Авазнинг фироғи дилидан кетган эмас эди. Подшонинг дилидан ғам йўқолди. Кетган давлат қайтиб келди, подшомизнинг дили хушнуд бўлса хизматчиларга яхши кўз билан қараб, яхши сўз билан сўзлар, деб ҳаммаларининг дилларидан ғам йўқолди. Хунхоршоҳ:— Авазхонга таом келтиринглар,— деб буюрди. Аваз хизмат қилиб турган бир кишини чақириб, қулоғига бир сўз айтди. Унинг сўзидан ҳеч ким огоҳ бўлмади. Ул сўз айтган кишиси чиқиб кетди. Авазга таом келмай туриб, боргоҳнинг ташқариси ғавро, шовқин бўлиб қолди. Ҳамма ўтирган боргоҳдаги амалдорлар ҳайрон бўлиб эшик тарафга қараб турар эди. «Дод-фарёд» деб отаси Булдуруқ, энаси Гулойим, Авазнинг синглиси Болойим даргоҳга кириб келишиди. Дарҳол Аваз ўрнидан туриб тахтдан тушди, боргоҳнинг

¹ Стулларда ўтирганлар.

ўұрта устуининг тагига бориб отаси билан қучоқлашиб күришди, энаси билан синглиси иккиси бирдан кириб келиб, Авазнинг оёғига ўзларини ташлади. Энаси билан синглиси гоҳ худ, гоҳ беҳуд бўлиб йиғлайди. Ахир энаси ҳушига келиб ўрнидан турди. Авазнинг бошини кўкрагига босиб айтар эди:— Эй дийдайи нурим, ўнгимми ё тушимми? Авазнинг атрофидан ота-онаси гирён-гирён бўлиб айланиб, Авазни тавоб қилиб ўпар эди. Буларнинг фифони нидосига боргоҳнинг шовқини фалакка еткудек бўлди. Буларнинг йиғисига, қилган меҳрибонлигига боргоҳда турган амалдорларнинг ҳам раҳми келиб йиғлашар эди. Андак фурсат орадан ўтди. Аваз эна, отасига бокиб айтди:— Алҳамдулиллоҳ, дийдор кўришдик. Шу миқдор кўришганимиз кифоя, улуғ даргоҳда анча турмоқ яхши эмас, энди сизлар уйларингга қайtingлар. Икки-уч кундан кейин подшоҳи Хунхордан рухсат олиб ўзим уйга бораман, ётиб, гаплашиб келаман. Энди сабр қилинглар,— деб эна-отасини чиқариб юборди. Синглиси Болойим Аваз кетгандан икки йилдан кейин туғилган эди. Акасини кўрмаган эди. Эна-отаси чиқиб кетса ҳам синглиси Авазнинг оёғи тагидан ҳеч ажрамади, кетиб қоласан деб. Аваз синглисинген қўлидан ушлаб: «сен ҳам уйга боргин, энди мен ҳеч қаерга бормайман, ҳамиша сизлар билан бирга тураман, кўп йиғлама, кетавергин,— деб синглисими ҳам чиқариб юборди. Аваз яна жойига келиб ўтириди. Авазга таом келтирди. Таомдан фориғ бўлиб фотиҳа ўқиди. Хунхор ўтирган умаро-амалдорларига қараб айтди: Эй амалдорлар, менинг кетган давлатим қайтиб келди, бул келган давлат — Аваз фарзандим учун уч кечаю кўндуз базми жамшид қилдирғайман, уйларингга кетмайсизлар, уйқуга ётмайсизлар, ўтирган ўринларингни бўшатмайсизлар,— деб амалдорларига шундай марҳамат қилди. Ҳар ердан наъмагар, чангчи, созанда, машшоқ, найчиларни, усули ўйинчи, қизиқларни йиғдириб жам қилди. Ўшал кундан бошлаб базми жамшидга мажлис очди. Созандалар созини созлаб соз чалмоққа, най чалмоққа, ўйин қилмоққа хурушни қилди. Сухандорлар овоз билан сухан бошлади. Буларнинг шовқини боргоҳнинг ичига пурупта бўлди. Созандалар соз бошланган вақтида Авазхон қилични пешонасига такъя қилиб кўзини юмиди ўтириди. Уч кечаю уч кундуз қиёмат-аросат базм бўлди. Уч кундан кейин базм тамом бўлди. Созандалар созининг қулоғини қайтариб ерга қўйди, подшога қуллуқ қилиб, ҳаққига дуо қилиб, давлатлари

зиёда бўлсин, деб ўринларига ўлтириди. Шунда шовқин бартараф бўлиб дим бўлди. Аваз такъя қилган қиличдан бошини қўтариб, ўтирган подшоларга бир назар солди. Подшоҳи Хунхорнинг базм бошлангандан икки кўзи Авазда эди, қаҳричашиб бўлди. Подшоҳи Хунхор Абдуллога қараб айтди:

— Нима дерсан, бул ҳароми ўн бир йил ўзбек элининг тузу намагини еб, қувватланиб, гардани тўлиб, менинг пойимни қирқани келган экан. Бу давлатлар бунга писанд бўлмади, буни тутиб бандизиндан қилинглар. Вақти билан бир кун дорга осиб ўлдираман деган сўз Хунхорнинг оғзидан чиқкан замоно Аваз таҳтдан ўзини ташлади. Хунхорнинг оёғига юзини қўйиб йиғлади:— Эй, жаҳон подшоҳи панойим, кўзи йўқ кишига дунёнинг лаззати йўқдир,— деди. Хунхор айтди:— Эй ҳароми ўзбек ўғли, сенда кўз бор, яна нимага бу сўзни айтасан,— деди. Аваз айтди:— Сўзларман, то сўзим тамом бўлгунча ғазаб қилмайсан. Хунхор айтди:— Сўзлагин! Аваз айтди:— Тўрт ёшимда сенга янги маҳрам бўлдим, ул Гўрўғли тоғанг Қўнғурбойман деб, далада сенга олиб келган қўзиларим қолди, деб отамни гўл топиб, мени ҳам бирга олиб келгин деб, отамни йўлдан қайтариб, мени олиб қочиб кетди. Ул мени Чамбилга олиб борди. Чамбил элида ўн бир йил истиқомат қилдим, хотин олдим, икки бола кўрдим, болаларим ҳали ёш эди. Туркман элат қизидан Гўрўғлидан беижозат бир қиз олдим. Туркман ҳалқи мени ўлдиримак бўлди, Гўрўғли хумса мени қадримга етмай, туркманликка «ўлдиринг» деб буюрди. Ўшал ердан ўз жонимни сақлаб, ўз хоназод панойи давлатим деб, сени паноҳ тортиб, икки боламни ташлаб келдим. Сени бу қилган базми жамшид, ўйин-кулгинг мен учун бўлса ҳам кўзимга кўринмади. Мен икки кўзимни юмсам икки боламни кўриб турибман. Шу учун — кўзи йўқ кишига дунёнинг лаззати йўқ,— деб айтдим. Подшоҳи Хунхор қошига бориб подшодан ёрдам — лашкар талаб қилсан. Хунхор лашкаридан олиб келиб Гўрўғлининг бошини кесиб, Чамбилни торож қилиб, хазинайи мулкини тортиб олиб, Хунхор хазинасига қўшсам. Икки боламни ҳам олиб келиб Хунхор давлатида умр кечирсам, деб бу умидда келган эдим. Нима қиласай, муродим ҳосил бўлмади, қазом етган экан, соҳиб ихтиёрсан, хоҳ бoshимни кесиб сўйгин, хоҳ раҳм қилсанг тасаддиқ қилиб қўйгин,— деди. Хунхор Авазнинг қилган йиғисига раҳми келди, чунки дилида аввалдин яхши кўрар эди, ўл-

дирмакка кўзи қиймади ва Хунхор вазир Абдуллога айтди:— Эй вазири Абдулло, нома ёзинг, ўн минг лашкар бизга тайёрлаб берсин. Узбек, туркман элининг тенасига боргайман, Гўрўғлини ўлдириб, гарид — мозор қилиб, юртни талон қилиб келарман,— деб амр қилди. Дарҳол ўн минг лашкар тайёрланди. Ул вақти подшоҳи Хунхор Абдулло вазирни ўз ўрнига ўтқазди. Узи амри лашкар бўлиб, ўн минг лашкарнинг олдига тушиб, ўқ отиб, карнайлар тортиб, таблаларни садога келтириб, Аваз ва Соқи бобони ҳам ўзи билан бирга олиб Чамбилга қараб йўл тортди. Ўн беш кечакундуз қум, тоғ, чўлларда шикор қила-қила пешин вақти Асқар тоққа етди. Чамбилнинг даласи эди. Асқар тоғ устига чиқиб қаради, Чамбилнинг қалалари кўринди. Чамбилнинг жоми мачитлари, минорлари ҳам кўринди. Қаланинг кунграйи пештоқлари, туркман эли, Ҳавдакнинг кўлигача ярқираб кўринди. Бунда Авазнинг кўзидан ёш гуррон қуишилб кетди. Икки боласи рўпарасидан пилдираб ўтиб кетгандай бўлди, қишлоқ кўзига ўтдан ҳам иссиқроқ бўлиб кўринди. От қўйиб Чамбилга кетиб қолгудай бўлди. Азбаройи мاشақат билан ўзига сабр тилаб тўхтатди, тескарига қараб йиглар эди, кўзининг ёшини артиб-артиб, отни буриб Хунхор шоҳга айтди:— Эй подшоҳи Хунхор, бу турган жойинг Чамбилнинг даласи, анов кўргангандар Чамбил қаласи. Мен ўйлайманки, бу лашкарни шу ерга туширсақ бўларди, бугун бу ерда ётиб — оби овқатларини бериб, буларни ухлатиб, ором олдирсақ. Булар ўн беш кундан бери йўл азобини тортиб, уйқудан қолиб, монда бўлгандир. Бул кеча ётиб, яроқларини чархлашиб, наизаларини тезлашиб, эртамертан мукаммал, мусаммал бўлиб Чамбилга қараб иродайи сабр қилсан — деди. Хунхоршоҳ:— Рост айтдинг, булар ўн беш кундан бери йўл азобини тортиб чарчаган, бўлмаса лашкар шу ерга қўнсиш,— деб Асқар тоғнинг устига кўкала майдонга лашкарлар тушди. Кеч ҳаммалари ул ерда ўз ҳоллари билан бўлди. Ярим кеча бўлгандада Аваз Соқий мироҳўрни чақириб, бир четга олиб борди.— Сен Чамбилнинг тўсковули² ўйқ кўчаларни биласан. Гўрўғли ўрасига боргин. Гўрўғлига бу лашкарни ҳам менинг келганимдан хабар бергин, бепарво қолмасин. Яроқли йигитларини олиб эрта билан Болқон адирига келиб,

¹ Чарчамоқ.

² Коровули.

бизга муқобил бўлиб турсин. Бизнинг келганимизни билмай қолса эрта биланликка иш ёмон бўлар. Гўрўғлини тузи ҳақида ёмонлик қилмасман. Шул хабарни бергин. Гўрўғли билан жанг қилсан, агар Хунхор қўлида Гўрўғли ўлса юртнинг гуноҳини Хунхордан тилаб олурман. Гўрўғли агар билан ерга чиқмаса, устига лашкар босиб кириб жанг қилса, халойиқлар оёқ остига қолар, аммо ўзингга эҳтиёт бўлгин, қўлга тушиб қолмагин. Вақтли тез келгин,— деб Соқий бобони Чамбилга юборди. Бобо Соқий чорвоқлар билан, ийқилган раста деволлар орасидан юриб, ҳормай, Гўрўғлини ўрдасига кириб борди. Ез куни эди. Гўрўғли ўрда ўртасида паشاҳона тутиб Оға Юнус пари билан ётган эди. Бургага чидаёлмай яланғоч эди. Иккови пашаҳонанинг ички тарафида юмаланиб ётар эди. Соқи буни кўриб, отнинг бошини буриб, ўзини қочмоққа жўллаб туриб Гўрўғлига бир сўз деди.

Фони дунё барча қулга омонат,
Кимки ўлган бўлса даври қиёмат,
Оч кўзингни, кўтар бошинг уйқудан,
Ур ичинда ётган ёлғиз мубозат¹.

Аваз боланг кетди кўзини ёшлаб,
Борди Хунхор шоҳга ўзини ташлаб,
Ўн минг лашкар Асқар тоққа тўхтади,
Аваз боланг келди Хунхорни бошлаб.

Ҳеч кимга йўқ ушбу дунё поёни,
Бузилмасин жондор маҳлуқ ватани,
Тузинг ҳақлаб хабар бердим, эшитгин,
Эшитмадим дема Чамбилнинг хони.

...Эрта билан ёв-яроғинг ростлатиб,
Чиқиб тургин Болқон тоғнинг белига.

Куйига учар бемор банда юлдузи,
Сенга шулдир Аваз болангнинг сўзи,
Ўрниңгдан (тур), эрта боргин Болқонга,
Туз бергансан, мендан бўлгин сен рози.

Гўрўғли инграницаб туриб келаётганида Соқи отга қамчи бериб қочиб чиқиб бадар кетди. Гўрўғли Соқи келганда уйғоқ ётган эди. Ҳамма сўзини эшитиб, ўрни-

¹ Яланғоч.

дан туриб майхонага киши юборди. Майхонада ётган йигитларни ўрдага олдириб келди. Қимматбаҳо хилъатларни кийдирди, совутларни кийиб, қиличларни чархлатиб, найзаларни заҳар суви билан тезлатиб, ул кун бедорлик билан тонг ортириди.

Гўрўғлихон бошлиқ Аҳмадбек тоғаси, Ертивойбек оғаси, Чамбилнинг катта-кичик эгаси қирқ беш-қирқ олти киши бўлиб отланди. Болқоннинг адрига тонготар вақти бориб саф тортиб турдилар. Лашкарлари уйқудан туриб бўлганича йўқ эди, Хунхорнинг кўзи Гўрўғлига тушди. Аваздан:— Булар ким?— деб сўради. Аваз айтди:— Ул кўк отнинг устидаги ўз лашкарига қараб, бизга орқасини қилиб турган, бошига дубулға кийган Чамбил беги Гўрўғлидир. Хунхор айтди:— Булар бизнинг келганимизни қаердан билди экан, ё бизга улар узр айтгани келдими?— деди. Аваз айтди:— Билмасман, қаердан билди экан. Иккови бу сўзда эди, Гўрўғли Аҳмадбек тоғасини йигитлар орасидан айириб ўз ўрнига қўйди. Отни жавлон қилиб Хунхор тарафга юзланди. Хунхор билан Авазга довуши етгудай ерга келиб тўхтади:

Тагимда арқираб ўйнайди отим,
Ҳақни обло берармикин муродим,
Қилич олиб келдим, қўзим, бу жойга,
Эшитдингми, менинг сўзим, фарзандим?
Аваз қўзим, келгин бери майдонга,
Ота, бола қисқак танҳо урушни.

Кел олдимга олишайлик бол Аваз,
Давлат кимга юз келтиради пойдор?

Отанг эди Чамбил элда тождор,
Шоҳу гадо манглайимга хизматкор,
Менинг билан келиб, қўзим, жанг қилгин,
Эр йигитга кўмак олмоқ на даркор?

Майдонда узилсин номарднинг боши,
Қизил қонга бўялар сойнинг тоши,
Суҳроб билан бўлсин Рустам уруши,
Кўмак олган, қўрқсан, номарднинг иши.

Гўрўғлидан бу сўзни эшитиб Аваз Хунхорга қараб:— Гўрўғлининг сўзини англадингми?— деди. Хунхор:— Билмадим,— деди. Аваз айтди:— Лашкарингни тайёр

қилгин, мен сизларни бошлаб келганимни Гўрўғли таъна қилди. Сен эр эмас экансан, заиф экансан. Бирордан қувват сўрамоқ заифнинг иши. Агар сен эр бўлсанг, кел майдонга деб чақирди,— деди. Шу ҳолда лашкарларинг тайёрланиб турсин, мен бориб кўрай, Гўрўғлига нима иш бўлар. Агар жамингга бир корҳол бўлса, ўзим бир ишорат қиласман.

Шунда якбора от қўясизлар. Агар мендан бир гап бўлмаса тик туринглар,— деб Хунхор(ни) хабардор қилиб қўйиб, Аваз Мажнункўй отининг устига минди, майдонга қараб юрди, Гўрўғлига яқин келиб тўхтади. Гўрўғлининг икки кўзи Авазнинг пешонасида эди. Аваз Гўрўғлининг юзига боқолмай, от ёлига қараб турар эди. Гўрўғли айтди:— Эй қўзим, қариганда менинг фариб мозор қилай дедингми, мунча лашкар олиб келиб мўминларнинг уволидан қўрқмайсанми? Агар қасдинг менда бўлса бошим ушлаб бераман, менинг кучим кетди, ажал вақтим яқин етди, халойиқ беҳуда ўлмасин, битта жоним бўлса сенга аямасман. Агар бошимни кесиб олсанг, сендан ризодурман. Отасининг сўзига Авазнинг кўнгли бузилиб, қўзидақ ёши чизилиб, пиядаланиб отасига қараб юрди. Гўрўғли Авазни бу ҳолда кўриб отидан тушди. (Аваз) югуриб келиб отасининг оёғига ўзини ташлади. Гуноҳимдан кечинг, деб йиғлади. Авазни ётган жойидан турғизиб қучогига олди, пешонасидан силаб:— «Эй жони дилим, искар гулим, мулки молим, Чамбил элим, мен ўлсам сенсан меросхўрим. Хунхорнинг тадбири жавобини нима қиласан. Магар фуқаромга бир зарар етказмагай? Аваз айтди:— Бу Хунхорга яхши муомала қилмоқ керак, улуғ подшоҳдир. Муни билан баробар келиб бўлмас. Юрт катталарига хабар беринг. Чамбил, Туркманнинг улуғлари яхши таомлар пешкаш қилиб, қўй-сўқимлар олиб келиб, хазинадан яхши хилъат, тўнлар, ҳам абзалкумуш, яхши қимматбаҳо моллар хазинада бўлса борини Хунхорга тұхфа қилиб бергайсиз. Хунхор подшони яхши сўз билан қайтаргаймиз, ундан бошқа амал йўқ,— деди. Гўрўғлихон ҳамиша Авазнинг деган сўзидан чиқмас эди. Эл ичига хабар берди. Туркман катта-кичинлари жам бўлиб, дастурхонлар кўтариб, Авазни ёнига олиб бораверди. Орқасидан пешкаш кўтарган бир қанча қимматбаҳо кийим — матолардан тұхфа қилиб олиб Хунхор шоҳ ҳузурига қараб, Гўрўғли пиёда улуғлар ҳам тиралиб бораверди, Хунхорга яқин етди. Хунхор қарадики, Гўрўғлининг ҳоли ўзгача кўринди. Хунхор

Гўрўғлидан хушнуд бўлди. «Ақлли, доно киши экан» деб ўрнидан турди. Беш-ён қадам Гўрўғли тарафга қараб юриб келди. Гўрўғлининг иззати учун икковлари қўл тутишиб кўришди. Хунхор билан Гўрўғли қўл тутишганича бориб, бир қўкаlam майдонга ўтири, сабзазор тоғнинг устига тушди. Лашкарларини жам қилиб таом торти. Чамбил тарафдан пешкаш пайдарпай келиб турап эди. Хунхор шоҳ лашкарига таом тортмоққа бошлади. Кўй, мол, жондорлар сўйиб, Хунхор шоҳни уч кечаю кундуз шул адирнинг устида зиёфат қилди. Хазинадаң олиб келган бўғча қимматбаҳо матоларни, тўнларни олиб ёзиб, Хунхорнинг ҳузурига қўя берди. Гўрўғли айтди:— Эй Хунхор шоҳ, Авазхон сенинг хоназод ўғлинг бўлса ҳам менинг ўғлимдир, меросхўримдир. Бу Чамбилни Авазга тақдим қилиб берганиман. Мен бир ошхўрдирман, бу мулк Авазнинг ўзиникидир. Авазнинг юрт эгаси бўлиб ортқизган, топган важи шудир. Юртдан ундирган хирож ва нарсаларининг барини сенга тортиқ қилиб келди. Менинг кўзим ўтиб кетса, мендан қолса, Аваз бой ўз фарзандингдир. Агар Авазга бир тарафдан душман пайдо бўлса ёрий бериб тургайсан,— деб Хунхор шоҳга Гўрўғли йироқ-яқиндан бир қанча сўзлар айтиб хурсанд қилди. Хунхор шоҳ Гўрўғлининг бу сўзидан хурсанд бўлиб, олиб келган туҳфасини Авазга қайтиб тутди:— Бу янгидан давлатга эга бўлибди. Ҳали ёшдир, анжом, йигит — яроқ қилсин, ўзларига харж қилсин, агар кам бўлса мен хазинадан зар юбориб тураман,— деб Хунхор шоҳ Гўрўғлидан жавоб сўради. Гўрўғли Авазхонни Хунхор шоҳдан сўраб олиб қолди. Гўрўғли билан Авазхон ҳам отланиб Хунхор шоҳни бир қанча йўлга узатиб қайтди. Хунхор шоҳни жўнатганига булар хурсанд бўлиб, «юртимиз саломат қолди», деб Чамбилга қараб жўнай берди. Шаҳри Чамбилга кириб келди. Чамбилнинг улуғ фуқаролари, амалдорлари, қиз-жувонлари пешвоэликка чиқди. «Авазхон саломат қелди» деб кўришиб борар эди. Аваз бориб ўрдасига, ўзининг ҳовлисига тушиб қолди. Ёру биродар, ўртоқлари барчаси келиб Авазни кўрди. Уйга кириб хотин ҳам бола-чақаларини кўрди. Орадан сал фурсат ўтган эди, «ўрдадан отанг чақиради» деб киши келди. Аваз туриб шаҳар ичига, хон ўрдасига борди. Авазнинг олдига таом қўйиб эрди, емай бедумоқ бўлиб ўтири. Бунда Гўрўғли Чаққонбекнинг қулогига бир нима деб шивирлади. Чакқон улуғлар ора-

сида баланд овоз билан сўзлади: «Аваз, отанг сендан гумон олади. Дўстинг хушфеъл эди, нечун тунда феълик билан ўтириби. Хунхор подшонинг улуғ давлатини кўриб, Гуржистондаги катта шаҳарларни кўриб, дала, ер, саҳролар Авазга маъқул бўлмай яна Хунхорга кетгиси келиб қолдими. Ултириши ўзгача деб отанг гумон олади, нима бўлди сенга?— деди. Аваз айтди:— Эй Чакқон, бул ерда менга сўзламакка сўз йўқ, халқа қарага менда кўз йўқ, бул юртда юришда менга юз йўқ. Бир бойнинг қизи деб не жафолар кўрдим,— деди. Авазнинг оғзидан чиқсан сўзи тамом бўлмай, Гўрўғли Аҳмадбек оғасини чақирди:— Оқчишбойнинг қизига хўстгорчиликка¹ боринглар,— деди. Аваз ўғлимга бойнинг қизини олиб бермасанлар бўлмас экан. Бу сўзни эшитиб Аҳмадбек тоғаси, Ёртибоя оғаси, ўн киши отланиб, туркманга жўнади. Бориб бойнинг ҳузурига тушди. Аҳмадбек бойга қараб айтди.

— Биз «ёвчи»ликка келдик. Авазхон келиб отаси билан топишиди, қизингизни Авазга бермасангиз ўртадан фитналик кетмас экан, нима дейсиз?— деди. Бой айтди:— Қизимни Авазга бермасман, аммо хон туфайлидан битта болам бўлса тутдим,— деди. Аҳмадбек айтди:— Йўқ, бундай эмас. Эл қовумнинг урфи қалини, молини айтинг. Яхши тўй билан, қалин мол билан олиб кетайлик. Аввалин, охирин ўтган гаплар айтилмай босилиб кетсин,— деди. Бой айтди:— Бўлмаса мунши келтиринг, қизимнинг қалинини айтай,— деди. Довот, қофоз, қаламни келтириб хат ёзмоққа турди. Бой қизнинг қалинини айтиб турар эди:

Жоннинг хавфи доим ҳамроҳ кўнгилга,
Гулнинг ишқи доим гўё булбулда,
Қирқ минг тилла берсин қизим қалини,
Гул, булбулдек улар кўрсин Чамбильда.

Қирқ минг тилла берсин қизим қалини,
Аямасин, берар қалин пулини,
Мен қизимни бердим амир Султонга,
Фарзандим деб бол Аваздай улини.

Аямасин хон, бисотда борини,
Аввал бош қиб Оға Юнус парини
Орқасидан Мисқолдек ёрини,
Аваздек фарзанди, гули норини.

¹ Совчиликка.

Канисликка берсин қирқта чўрини,
Бувро норни¹ бош қилиб,
Моя норни тиркаш қилиб,
Айри бувро эргаш қилиб.

Туя берсин қирқ мингта,
Фиротини бош қилиб,
Мажнункўкини тиркаш қилиб,
Сарсаманини эргаш қилиб,
От берсин бир мингта.

Чоғир сарка бош қилиб,
Юзта сарка тиркаш қилиб,
Оқ қулоқни эргаш қилиб
Юз қўйчувон юз кўпак.

Жоллиқ² берсин қирқ мингта.
Баҳрин қушни бош қилиб
Туйфун қушни тиркаш қилиб,
Лочин қушни эргаш қилиб
Қарчиғай берсин юзта.

Аҳмадбекдай тоғасини бош қилиб,
Ёртивойдай оғасин тиркаш қилиб,
Соқибулбул сайсини эргаш қилиб,
Букун бари мўйсафид берсин миришкор³ юзта.

Қора йўрға бўлсин барин мингани,
Совут бўлсин устидаги кийгани,
Эгар қошдор, пўлат добил туйгани
Юзта чакас берсин қушлар қўнгани.

Эшийтдингми бу сўзимни бек Аҳмад.
Бориб хонга қилиб кўргин маслаҳат,
Олти кунга қолса қайтади моли,
Беш кунгача бердим сизларга муҳлат —

деб бой қизининг қалинини айтиб тамом қилди. Аҳмад сардор бойнинг сўзи ёзилган хатни олиб чўнтағига солди, фотиха ўқиб, отланиб чиқиб кетди. Бойнинг деган сўзини Гўрўғлига айтди. Қоғозни ўқиб кўрсатди. Барча

¹ Туяниң эркаги.

² Жонлиқ

³ Қуш соловчи.

ўрдадаги улуғлар қах-қах уриб кулиб юборди. Гўрўғлихон айтди:— Эй Аҳмад тоға, шундай демай нима десин? Қишининг қўли куйса ўтга тоблар, бермас иложини тополмай шул сўзни айтгандир. Узингиз туркманликсиз, туркманни тўй-қоида расмини хўп биласиз, элга эп келгудай тўйни олиб бора беринг,— деди. Аҳмад сардор беш-ўн катталар билан, бол Аваз хил йигитлари билан бир қанча қизу жувон, хотин-эркаклар тўйни олиб Туркманга қараб боришли. Бой кўрдики, тўйнинг ҳеч маъниси йўқ, бой индамай юртга тўйни қилиб бераверди. Тўй тарқади, қизни никоҳ қилди. Авазхон йигитлари билан, тўйчилар ҳам қайтди. Келинчакка олиб жўнар вақтда уларда от-арава бўлмас эди. Келинчакка от ясад миндириб, отни олиб кетар эди. Бойнинг қизига бир отни ясад миндириб қўйди. Мингашгудай ёш бола ахтариб турган эди, Чақёнбекнинг хотини Холдана югуриб келиб, келиннинг орқасига мишиб олди, «Бўлди, бўлди ёш бола даркор эмас» деб келинни олиб жўнай берди. Йўлда келаётib Холдана Бўтакўзнинг шаънига бир сўз деди:

Чувар-чувар, чаман-чаман,
Осмоннинг чиққан юлдузи,
Тарам-тарам кокиллари,
Майда ўрган қирмизи,
Гулёр, аллаёр-аллаёр!

Оқчишвойнинг Бўтакўзи
Булбул бўлиб гулни ўпган,
Эр йигитдай улоқ чопган,
Авазхонни чўлда топган,
Нозик қиз, аллаёр-аллаёр!

Ота давлатидан кечган,
Ишқнинг шаробини ичган,
Аваз билан бирга қочган,
Ваъдали ёр, аллаёр-аллаёр!

Авазга шарбат ичирган,
Беқалин белдан қучирган,
Ёрин Хунхорга қочирган,
Бошга ёр, аллаёр-аллаёр!

Аваз кетган, унуган,
Бўтакўз уйига кетган,

Қирқ минг қизнинг хунини айтган,
Қимматбаҳо зар, аллаёр-аллаёр!

Кундуз кунга ўхшамайди,
Осмоннинг ойи, юлдузи,
Бўтакўзнинг жамоллари,
Кечасин равшан кундузи,
Авазҳонга тақдим бўлди
Оқчишвойнинг Бўтакўзи.
Айтган билан тамом бўлмас,
Эшитган сўз аллаёр!

Айтаверсанг сўз устига
Сўз тугамас ёз, аллаёр!
Ёр қадрини Бўта билмас,
Жувон хотин-қиз аллаёр,
Гулёр, аллаёр-аллаёр!—

деб қизу жувонлар Бўтакўзни олиб бориб, Чамбилинг
қаласига кириб, хоннинг ўрдасига еткизди. Ул кун
Авазҳонга кўрсатди. Аваз етди муродга, қолди Турк-
ман уятга. Бу сухбатни эшитган барча етсин мақсадга!